



卯年

汪潤普



涇舟老人年譜附

宣統元年

己酉孟秋

晦木齋刊

陽湖汪洵

署檢



中華書局影印



晦木齋藏版

洪琴西都轉篤於稽古尤以表章先德爲事纂輯宋世洪忠宣暨三子文惠文安文敏四公年譜蒐采繁富攷核精詳藏諸緘滕未及問世嗣君翰香觀察將付剞劂屬作霖復加校讐讀既畢作而言曰自來外交之世最重使職至不得已而用兵則封疆亦宜慎選大節以立身高文以華國經濟以匡時三者固缺一不可也洪忠宣起家甲科文章爾雅拯民飢諫移蹕請撫李成其經濟固已裕矣奉使金廷被留十五年不爲威劫卒以忠節顯名高宗比之蘇武無媿色也三子皆以鴻詞入選耀采禁廷文惠文敏當紹興隆興之交尋盟報聘後先持節光照皇華文安出守平江供軍无乏領建康留鑰經營淮表邊鄙晏然南

四洪年譜

序

一

宋人才並世而生者如虞允文陳俊卿諸人已不多見而洪氏乃以勛績名烈世其家何其懿歟都轉公曩在金陵開致吾知齋以談藝作霖得侍游謙於時海事初萌朝議交訌悵懷時局輒景仰忠宣父子不置時都轉公方輯是譜草創未定莫由拜讀今事閱三十餘年幸與校字之役得仰窺都轉公憂時追遠之深心益非偶然已校讐既竟因追述前事敬弁簡端云時宣統二年春二月江甯陳作霖謹敘

洪忠宣公年譜緣起

彭澤洪庠浮梁洪聲聞舊有忠宣公年譜之輯疏略特甚譌舛亦多今取其信而有徵者標云原編俾覽者知此譜濫觴之由原編刊於嘉慶戊辰江右洪族尙多傳本汝奎於道光戊申過鄱陽時曾及見之並爲手鈔一過譌舛之處就其可知者逐一辨明非欲爭勝前人深恐貽誤後哲耳

此譜自建炎三年使金以後凡十五年采用金史紀傳甚多特

於每年下注云是年爲金某廟號宗某年號幾年庶覽者參稽互證

開卷了然

此譜以宋史紀傳及文惠公所作先君述爲主其中偶有考訂

四洪年譜

緣起

一

之處仍散見各年下

譜中引用盤洲集隸釋隸續容齋隨筆諸書凡有卷數可考者每爲注明惟宋金二史以業經標明某紀某志某傳覽者繙尋甚易不復注明卷數至小隱野處二集久已亡佚其文往往散見他書譜中引用則稱文安某篇文敏某篇異日或能復見小隱野處完書當爲改訂如引用盤洲集諸書之例

此譜將公生平事實彙括入正文書作大字餘悉入注注有未晰者又爲注中夾注期於傳信不避煩複之嫌覽者諒之

宋史帝紀於金旣講和之後或稱金人或稱大金或稱金國此譜正文輒援爲例至注語所引諸書有稱金者有稱虜者有稱



洪忠宣公年譜

裔孫汝奎編輯

宋哲宗元祐三年戊辰公生

公諱皓字光弼饒州鄱陽人宋史地理志饒州鄱陽郡隸江南東路建炎四年合江東西為

江南路紹興初復分東西曾祖諱士良妣章氏祖諱炳贈少保妣何氏贈

紀國夫人考諱彥先宗譜世系表作彥暹字子深此從周必大洪文惠公神道碑通直郎

贈太師秦國公妣董氏贈秦國夫人文惠公盤洲集卷七十叔父常平墓志云昔

包義氏既衰共工氏以水紀伯九域共氏其後也後世避怨為洪氏在吳有廬江太守矩在唐有集賢學士孝昌五季亂

始自欽宋史徽宗紀宣和三年五月改欽州為徽州徒名歙於饒州樂平又七世始家鄱陽魏了翁洪必之墓志云洪氏

五季時由欽徙饒之樂平又七世徙鄱陽又卷三十二徽州先達題名記云予十一世祖據宗譜世系表諱玉唐昭宗時

四洪年譜 卷一 忠宣

為監主簿絲欽之黃村徙番之樂平又卷三十三盤洲老人

小傳云洪族本居徽州唐末避亂徙樂平之東七十里曰巖

前曰洪源凡百餘家世世業耕桑高祖府君志操不羣力教

二孫欲振起門戶自巖前常以幹至郡又卷七十四羣君述

云洪氏始居樂平之金山自曾祖府君種德重義以氣節聞

子中大夫即少保公蚤世二孫幼府君慨然思所以成立計

即挈諸城中訪先生之賢力教之因占籍鄱陽長孫諱彥昇

字仲達宋史有傳又盤洲老人小傳云元豐乙丑伯祖給事

中始以進士起家遂給事中魏了翁洪必之墓志云至

給事中彥昇以進士起家洪氏益大太中即秦國公雖不遇

灑元好問中州集末附南冠五人詩有朱少章弁而不及收忠宣詩又於朱詩前綴事略云紹興十二年皇子生大赦宋使洪皎張邵朱弁南歸均宜訂正原編公誕生於六月十一日今按盤洲集卷六十九大人生朝設醮青詞全文見後二篇一云自嬰滯疾再涉隆冬一云自纏解於未疾茲經涉於三冬宗譜世系表謂公生於十一月己卯孫莘老年譜是年十一月丁卯朔己卯係十一月十三日與青詞合或當有據

元祐四年己巳二歲

元祐五年庚午三歲

元祐六年辛未四歲

元祐七年壬申五歲

元祐八年癸酉六歲

紹聖元年甲戌七歲

四洪年譜

卷一 忠宣

二

紹聖二年乙亥八歲

紹聖三年丙子九歲

紹聖四年丁丑十歲

元符元年戊寅十一歲

元符二年己卯十二歲

元符三年庚辰十三歲

徽宗建中靖國元年辛巳十四歲

崇甯元年壬午十五歲

少英儻有奇節

先君述 樂平縣志少負奇節有經略四方志朱史本傳少有奇節慷慨有經略四方志

崇甯二年癸未十六歲



崇甯三年甲申十七歲

崇甯四年乙酉十八歲

崇甯五年丙戌十九歲

原編公入太學宋史選舉志徽宗設辟雍於國郊以待士之  
升貢者臨幸加恩博士弟子有差然州郡猶以科舉取士不  
專學校崇甯三年遂詔天下取士悉由學校升貢其州郡發  
解及試禮部法並罷自此歲試上舍悉差知舉如禮部試宣  
和三年詔罷天下三舍法開封府及諸路並以科舉取士惟  
太學仍存三舍以甄序課試遇科舉仍自發解王黼欲妻以  
女弟給事公以同臺故曲為平章公力辭不就太中公有寄  
公詩遂歸按婺源洪騰蛟字鱗雨乾隆間舉人壽山叢錄云  
蔣一葵堯山堂外紀宋熙甯中餘杭進士洪浩遊太學十年  
不歸其父作詩寄曰太學何蕃且一歸十年甘旨誤庭闈休  
辭客路三千遠須念人生七十稀腰下雖無蘇子印篋中幸  
有老萊衣歸時定約春前後免使高堂賦式微浩得詩即歸  
養或改首句作太學何蕃去未歸以為忠宣公皓詩誤矣自  
洪侍御覺山修統譜冒昧紀載後來相沿所宜刊正已上並

四洪年譜

卷一 忠宣

三

叢錄原文原編據餘杭詩謂公留太學十年始歸而以其年  
初入太學下距乙未登第之歲為十年攷宋史徽宗紀崇甯  
五年無賜上舍及第之事與先君述所謂以諸生待廷試京  
師者不合其誤可知此後大觀元年六月二年三月四年三  
月政和三年三月四年二月皆嘗賜上舍生及第並見徽宗  
紀竊意公游太學當在政和三年間又先君述云考官孫  
九鼎者有太學舊則所云以諸生待試亦謂在太學耳

大觀元年丁亥二十歲

大觀二年戊子二十一歲

大觀三年己丑二十二歲

大觀四年庚寅二十三歲

政和元年辛卯二十四歲

政和二年壬辰二十五歲

政和三年癸巳二十六歲

政和四年甲午二十七歲

公以諸生待廷試京師王黼請昏卻之宋史本傳伯父給事公曲

為平章公卒卻之先君述云以諸生待廷試京師伯父給事

榻謂之南牀例不出累月遷登南省故號南牀百曰王黼為

中執法按宋史佞倖傳黼以崇甯中進士第何執中薦擢校

書郎蔡京復相德其助已除左諫議大夫給事中御史中丞

自校書至是財兩歲考蔡京復相在政和二年五月則黼為

中執法亦當在政和二年後徽宗紀重和元年正月庚戌以

翰林學士承旨王黼為尚書左丞宰輔表重和元年四月庚

戌王黼自翰林學士承旨以尚書左丞起復九月庚寅加中

書侍郎據王偁東都事略徽宗紀重和元年春正月甲申朔

庚戌王黼為尚書左丞由甲申朔推之則庚戌係正月二十

七日與宋史正合其下文云夏五月壬午朔則四月內不得

有庚戌作四月者非也又按黼以宣和二年十一月入相六

年十一月致仕慕先君為人欲女以女弟給事以同臺故曲

四洪年譜

卷一 忠宣

四

為平章先君懇拜曰婦所以事舅姑也家素壁立今暴得一官乃令鼎貴薦女身得計矣如父母何按先君述方云以諸生待試而下即述公語云暴得一官疑公未擢第時或以給事恩澤入官歟

政和五年乙未二十八歲

登何桌宋史何桌傳桌字文縝仙井榜進士第宋史本傳登

士第徽宗紀政和五年三月己卯御集英殿策進士癸巳賜

禮部奏名進士出身按出身上當有及第二字六百七十人

朱勔東都事略朱勔傳始廣供備以媚上舟輻相繼號曰華

狎昵因以求劇職要官躡請昏公復卻之宋史本傳先君

進至侍從者袂相屬也復請昏資送萬計且啗以顯仕拒尤力朱不獲命榜榜中周

審言增之及周直內閣服金帶為秀州守先君適在幕下人

為先君惜之娶魏國夫人沈氏盤洲集卷七十七慈瑩石表

及進士第太夫人之兄太學博士松年在京師聞先君名定昏焉

政和六年丙申二十九歲

官台州甯海縣主簿 是年十月給事公以朝請郎遷徽猷

閣待制 見文敏公容齋四筆卷十五

政和七年丁酉三十歲

官甯海作三瑞堂交翠亭 秋長子文惠公适生 盤洲集卷二有交翠

亭詩自序云政和丙申家君主甯海簿明年作交翠亭是秋而某生詩云三十年中事鸞棲築小亭寒聲長新籜清闕拂疏櫺水轉前時綠山濃遠處青重來勤問訊此別記秋螢視穆方與勝覽三瑞堂洪光弼為甯海主簿時建適以荷花桃實竹榦有連理之瑞已而生适故适以貳車行縣題詩云久矣馳魂夢今登三瑞堂故山有喬木近事語甘棠展驥慚充位占熊憶問祥白雲留未去極望是吾鄉輿地紀勝台甯州下交翠亭在甯海簿廳三瑞堂在甯海主簿廳西 攝甯海縣令 未詳何年簿著於此 先君述云主甯海簿會令去攝其事民舊苦市絹不均先君始令物力百千

四洪年譜 卷一 忠宣

五

者賦一匹大姓王隆多買田不受稅歲纔五十四至是數增三倍餘以次定賦蠲貧弱者四千八百戶李氏富而黷家藏妖書號二宗三際經時節集鄰曲釀香火祀神元未嘗習也姦人詭入伍中通其女既泄即告縣逃送獄先君入食有小獄屬耳而賊吏若此可緩乎即呼囚立庭下委曲問情得并告者平決之吏駭顧失色 盤洲集卷二過梁王寺書家君祠堂詩云生還未列麒麟畫舊德猶懷鸞鳳棲共問翰林今孰似凜然眉宇染風堅原注舊有道流安引地記乞廢寺為宮外臺下其事於州州下之縣家君時攝邑事力為辯明乃寢 給事公出知滁州 容齋四筆卷十五政和末伯祖仲遠官之命過門下第四廳給事方會論為畏徽駁之日故所以託病遂罷知滁州 宋史劄錄傳張商英入相宰輔表張商英以大觀四年六月入相召為吏部尚書拯已昏憤吏乘為姦又左轉工部以樞密直學士知同州時商英去位侍御史洪彥昇併劾之削職提舉鴻慶宮

重和元年戊戌三十一歲

官甯海

宣和元年己亥三十二歲

官甯海

宣和二年庚子三十三歲

官甯海

先君述云方臘反台之仙居民應之蹤捕反黨及旁縣一日驅茶食者數百人至縣丞尉皆曰可殺先君爭不得丞尉用賞秩不踰年相繼死皆見所殺為厲云按宋史高宗紀宣和二年十月建德清溪妖賊方臘反命譚稹討之據此則臘捕除南京南京今河南歸德府宋為南京應天府

國子博士未就

職據先君述當在方臘陷杭州之前

次子文安公遵生

宣和三年辛丑三十四歲

遷宣教郎為秀州司錄事

先君述云拜南京國子博士未上賊犯杭州經制使陳公亨伯東都

四洪年譜

卷一 忠宣

六

專略陳邁傳云邁字亨伯零陵人也方臘起睦州二浙用兵以亨伯為龍圖閣直學士經制使徽主餉奏功遷宣教郎為秀州司錄事按秀州到任年分失考當在方臘寇平之後宋史徽宗紀宣和三年四月庚寅中州防禦使辛興宗擒方臘於清溪七月戊子童貫等俘方臘以獻八月丙辰方臘伏誅又按方臘黨方七佛以是年正月犯秀州宋史徽宗紀失書詳見童貫傳傳云方臘者睦州青溪人也宣和二年十二月陷睦歙二州南陷衢北掠新城桐廬富陽諸縣進逼杭州郡守棄城走州即陷警奏至京師王黼匿不以聞於是凶欲日熾東南大震發遣使陳亨伯請調京畿兵及鼎澧槍牌手兼程以來使不至滋蔓徽宗始大驚三年正月臘將方七佛引眾六萬攻秀州統軍王子武乘城固守已而大軍至合擊賊斬首九千築京觀五賊還據杭

宣和四年壬寅三十五歲

官秀州

宣和五年癸卯三十六歲

官秀州 三子文敏公邁生

宣和六年甲辰三十七歲

官秀州 秋大水公以荒政自任所活九萬五千餘人人呼

為洪佛子

宋史徽宗紀宣和六年兩河京東西浙西水五行志宣和六年秋京畿恆兩河北京東兩浙水災民

多流移

先君述云宣和六年秋大水田不沒者什一

塞路倉府

空虛無賑揀策先君白郡守以荒政自任悉籍境

內粟留

一年食發其餘糶於城之四隅升損市直錢五戒米

肆揭價於

青白旗上巡行無時扶其旗靡者皆無敢貴糶不

能自食者

官主之立屋於東南兩廢寺十人一室男女異處

防其消偽

渥黑子識其手東五之南三之負繫樵汲有職民

贏不可杖

有侵牟鬪鬻者亂其手文逐之皆帖帖畏服用先

所掌發運

名錢錢且盡會浙東綱常平米斛四萬過城下先

君遣吏鑲

津柵諭守使截留至麥秋今臘猶未盡中道而止則

死不赦先

君曰民仰哺當至麥秋今臘猶未盡中道而止則

如勿採甯

以一身易十萬人命訖留之居亡何廉訪使者王

孝竭至郡

曰平江哀號訴飢者旁午此獨無有何也守具以

四洪年譜

卷一 忠宣

七

對卽延先君如兩寺驗視民肅然無出聲孝竭曰吾嘗行邊

軍日免戾幸矣安所請但食猶未足公能終惠復得二萬石

乃可孝竭以聞米如請而得至麥秋民相攜以歸前後所活

九萬五千餘人州人既不死凶年先君出無不手加額呼為

洪佛子事並見輿地紀勝嘉興府官吏門洪皓注所引繫年

錄又宋史本傳宣和中為秀州司錄大水民多失業皓白郡

守以拯荒自任發廩損直以糶民全集皓恐其紛競乃別以

青白幟涅其手以識之令嚴而惠徧按本傳

宣和七年乙巳三十八歲

官秀州

欽宗靖康元年丙午三十九歲

官秀州

高宗建炎元年丁未四十歲

是年三月徽欽二帝北狩五月高宗卽位於應天府

官秀州 九月御營統制辛道宗率兵討陳通至嘉興縣

地理志秀州以政和七年賜名嘉禾郡嘉興縣附郭 兵潰 宋史高宗紀建炎元年八月戊午朔捷軍校陳通作亂

於杭州執帥臣葉夢得殺漕臣吳昉王申命御營統制辛道宗討陳通九月甲午夜辛道宗兵潰於嘉興縣辛丑陳通劫

提點刑獄周格營殺格執提點刑獄高士瞻十月甲子知秀州兼權浙西提點刑獄趙叔近入杭州招撫陳通丁卯以王

淵為杭州制置盜賊使統制官張俊從行 十月孝宗皇帝

十二月辛酉王淵入杭州執陳通等誅之

生於秀州杉青牖之官舍 宋史孝宗紀王夫人張氏高宗紀紹興三十二年六月甲戌加贈兄

子儼為太師中書令追封秀王諡安僖妻張氏封王夫人夢人擁一羊遺之日以此為識已而有娠以建炎元年十月戊寅生帝於秀州青杉據河渠志當作 十一月王公倫朱公

杉青牖之官舍紅光滿室如日正中

弁使金 宋史高宗紀建炎元年十一月壬辰遣王倫等為金宮起居遷朝奉郎假刑部侍郎充大金通問使閤門舍人朱

弁副之朱弁傳建炎初議遣使問安兩宮弁奮身自獻詔補

四洪年譜 卷一 忠宣 修武郎借吉州團練使為通問副使 八

建炎二年戊申四十一歲

累官朝散郎丁父秦國公憂奔喪歸饒州時秦國太夫人與

諸孫在秀州秀卒以城叛相戒毋入洪佛子家 先君述云累官朝散郎丁

太中憂還鄉奔喪太碩人年七十矣與弱孫在秀諸卒以城叛鹵掠無一家免過門皆曰此洪佛子家也毋得入 宋史

高宗紀建炎二年五月己酉秀州卒徐明等作亂執守臣朱芾迎前守趙叔近復領州事命御營中軍統制張俊討之高

月乙丑張俊至秀州殺 是年五月宇文虛中使金 宋史紀建

趙叔近執徐明斬之 宇文虛中為資政殿大學士充金國祈

請使宇文虛中傳二年詔求使絕域者虛中應詔復資政殿

大學士為祈請使楊可輔副之尋又以劉誨為通問使王貺為副明年春金人並遣歸虛中曰奉命北來祈請二帝二帝未還虛中不可歸於是獨留虛中有才藝金人加以官爵即受之與韓昉輩俱掌詞命明年洪皓至上京見而甚鄙之

建炎三年己酉四十二歲

是年為金天宗天會七年

自饒州還四月至秀州先是上將移蹕建康公適過臨安疏

諫不納五月得旨召對起復為徽猷閣待制假禮部尚書充

大金通問使先君述云賊平承上秀卒叛言先君還過臨安時苗傅劉正彥出逃未伏誅上將遷符建康先

君上疏言今內難甫平外敵方熾若輕至建康恐金人乘虛

侵軼宜遣近臣先往經營庶事告辦鳴鑾鳴鑾宋史本傳作

回鑾誤潛說友咸濟臨安志引此疏作鳴鑾徐夢莘三朝北

盟會編亦作鳴鑾未晚也時廟謨已定不能從既而悔之上

問宰輔近諫移蹕者為誰今安在丞相張和公時知樞密院

以對過秀邀先君至平江欲以為部使者招二凶適捷書至

按捷書至非謂苗劉伏誅也據宋史高宗紀苗劉以是年七

月辛巳伏誅在忠宣奉使後此蓋謂二凶就俘耳乃止將辭

歸和公曰呂丞相欲見君即遣直吏介謁俄有旨召見時方

墨衰經丞相脫中服衣之既對上以道好還裔夷安能久陵

宋史本傳作播誤為憂先君極言天道好還裔夷安能久陵

中夏此正春秋邠郢之役天其或者警晉訓楚也此上郢字

四洪年譜

卷一 忠宣

九

蓋謂吳入郢之役按左傳哀公元年陳蓬滑有天其或者正

訓楚也之語確指郢事與郢無涉續通鑑改郢為郢誤所言  
反復當上意上曰卿議論縱橫孰於史傳有專對之才朕方  
擇使無以易卿先日君以母喪辭不許擢徽猷閣待制  
遷五官假禮部尚書為奉使大金軍前使令與宰執議國書  
先君欲有所易輔臣披輔臣謂呂頤浩見宋史本傳護其文  
不喜遂抑遷官賜告續通鑑帝遺左副元帥宗翰書稱宋康  
王構謹致書元帥閣下願用正朔比於藩臣上令皓與宰執  
議國書皓欲有所易頤浩不樂 宋史高宗紀建炎三年三  
月癸未傅正彥等勒兵向闕戊子張俊部兵八千至平江張  
浚諭以決策起兵問罪約呂頤浩控光世招韓世忠來會先  
是上命朱勝非節制平江秀州駐兵甲午呂頤浩率勤王兵  
副之尋召勝非赴行在留浚駐平江甲午呂頤浩率勤王兵  
二萬發江甯辛丑傅等遣軍駐臨平拒勤王兵四月庚戌頤  
浩浚軍次臨平苗翊馬柔吉拒戰不勝傅正彥引兵二千夜  
遁先君述所云傅正彥出逃即此辛亥呂頤浩等入見癸丑  
宋史原文作癸未誤以呂頤浩為尙書右僕射兼中書侍郎  
丁卯帝發杭州按此下帝次平江紀失書五月戊寅朔帝次  
常州以張浚為宣撫處置使辛巳次鎮江府乙酉至江甯府  
駐蹕神霄宮改府名建康起復朝散郎洪皓為大金通問使

已上節錄宋史原文並附小注今以本紀月日考之則公過臨安疏諫移蹕當在四月辛亥後丁卯前尋即歸秀迨帝發杭州呂張二相扈從過秀是以有邀至平江之事與先君述云云正合惟先君述於邀至平江下卽云將辭歸俄有旨召見卽當日公被使命在平江非在建康也按本紀特書起復洪皓於駐蹕建康之下則又似被建康矣今據宋史本紀書作五月奉使而詳具本紀及先君述原文入注以備參考按公奉使至金一節金史太宗紀交聘表並失書使還年月則熙宗紀交聘兼淮南京東等路撫諭使先君述云准甸表皆書之詳後兼淮南京東等路撫諭使李成時爲宿泗州都大捉殺君兼淮南京東等路撫諭使俾李成時爲遙郡防禦使圍楚州使以兵護至南京成乃方與耿堅時爲遙郡防禦使圍楚州今江蘇山陽縣時賈敦詩以通判權州事以責其降虜爲名實持叛心宋史高宗紀建炎三年二月庚戌朔金人陷楚州守臣朱琳降本傳云時淮南盜賊踵起李成甫就招卽命知泗州羈縻之乃命皓兼淮南京東等路撫諭使俾成以所部衛皓至南京北過淮南成方與耿堅共圍楚州責權州事賈敦詩以降敵實持叛心據此知李成時方知泗州而權知楚州者爲賈敦詩先君遺書抵成成曰汴乾隆府廳州縣圖志靈壁縣下古汴水自河南永城縣界流入逕宿州南又東南

四洪年譜

卷一 忠宣

入泗州界泗水史河渠志汴水下靖康而後汴河上流爲盜所決者數處決口有至百步者塞久不合乾涸月餘綱運不通又盤洲集過穀熟詩云汴水疏乾轍迹深虹朱史地理志泗州虹下紹興九年自宿州來隸據此則虹縣當隸宿州有紅巾賊非五千騎不可往軍食絕不克唯命先君聞堅可撼陰遣說之曰君越數千里赴國家急山陽縱有罪當稟於朝今擅兵攻圍名勤王實作賊爾堅意動遂強成斂兵先君行未至泗境謀云有迎騎介而來宋史本傳皓至泗境迎騎介而來與此微異副龔璣曰事叵測虎口渠可入送兵亦不肯前引君不得已遂返卽上疏言李成以朝廷不撫卹稽軍餼有先君納命建康之語今軫賽據揚州薛慶據高郵萬一三叛連衡何以待之方合垢養晦之時宜選辯士上遺閣門宜秩畀以京口綱運如晉明帝待王敦可也疏奏上遣閣門宜贊舍人賀子儀撫諭成給米五萬石令第將士名馳恩初先君戒所遣吏須疏從中出乃詣政事堂白副封時方禁直達忤宰臣意朱史本傳頤浩惡其直達而不先白堂以託事滯留降承議郎據續通鑑貶秩二等在是年六月請出滁陽路宋史本傳請出滁陽路自壽春由東京以行張守忠李貴嘯穎上道益梗提舉官范渙張銳嘗招慰之旋復亂先君至順昌聞賊有至近郊以牛驢市物者約與相見譙門下先君曉



譬切至曰自古無白頭賊賊疎寤請歸報其渠迺爲書至其窟穴守忠貴聽命率所領入宿衛守忠初名俊入朝賜今名李貴卽俗所謂李閻羅者又云撫諭京淮降空名告身二仍十通以便宜賞功存其半或求竄名卻弗應封以還尙書

**寓家秀州** 先君述云一日歸別先君持太碩人拜且泣時長能仰視先君弗子也又云使虜得修職郎四人時有六子獨適預名三以官弟姪且乞以一弟奉甘旨睡起布衣奪衣

爲秀州 閏八月至太原 原編 宋史高宗紀靖康元年八月判官 粘罕松漠紀聞粘罕者吳乞買三從兄弟名宗幹按金史作宗翰恐幹字誤乞買金太宗名也復引兵深入陷太原 續通鑑略至太原金令其陽

館伴留幾歲 是年七月崔公縱使金九月張公邵使金 宋史高宗紀建炎三年七月丁酉遣崔縱使金 軍前九月丙辰遣張邵充金國軍前通問使

**建炎四年庚戌四十三歲** 是年爲金天會八年

**在太原十二月徙雲中** 原編 按先君述云開關至太原留

**四洪年譜** 卷一 忠宣

幾一年若以己酉閏八月至太原今年十二月徙雲中則不止一年疑由太原徙旋又徙雲中耳 宋史地理志宣和

四年詔山前收復州縣合置監司以燕山府路爲名山後和名雲中府路又云雲中府唐雲州大同軍節度石晉以路契

丹契丹號爲西京松漠統開西京原注北人稱雲中爲西京按雲中今山西大同府宣和三年始得雲中府武應朔蔚奉

聖歸化儒媯等州所謂山後九州也 是年二月金人陷秀按宣和七年燕雲諸郡復陷入金

**州長子适等奉秦國魏國二夫人避亂歸饒州** 按避亂歸饒公譜敘於上年蓋秀州雖陷於是年而上年十一月高宗旋

已棄杭州則秀州危迫歸饒當在二年此特連類書之耳 復還秀州 宋史高宗紀建炎四年辛卯金人陷秀州許

國挾五弟三妹歸鄱陽又云指眾 公所著書悉厄於兵燼 食貧忠宣奉入在秀復迎擊以往 集卷六十三跋先忠宣公鄱陽集全文見後云先君以建炎

已酉出疆平生著作多悉留橋李即秀州庚戌之春厄於兵

**九月金人立劉豫爲齊帝** 宋史高宗紀建炎四年九月

紀天會八年九月戊申立劉  
豫為大齊皇帝都大名府

紹興元年辛亥四十四歲

是年為金天會九年

在雲中時徽欽二帝徙居五國城公遣人奏書并獻胡桃梨

脩粟麪諸物宋史高宗紀建炎四年七月乙卯金人徙二帝自韓州之五國城先君述云兩宮蒙塵五國

城先君嘗私遣人奏書并獻胡桃梨脩粟麪諸物兩宮始知

趙氏中興宋史王倫傳有商人陳忠密告倫二帝在黃龍

府倫遂與弁及洪皓以金遺忠往黃龍府潛通意由是兩宮

始知高宗已卽位矣樓鑰攻媿集王公神道碑云金帥黏

罕凶燄熾甚公與之抗辯旁若無人金帥憤怒留之雲中從

行者多不堪公談笑自若勉以節義然尚未知兩宮安否日

薦於天以朝通夕死為言有商人陳忠告使臣楊汝亨曰二

聖太后在黃龍府上意由是兩宮金人迫使仕劉豫忱以

贊也卽遺之金使達上意由是兩宮金人迫使仕劉豫忱以

始知本朝中興而江南之信通焉

劔不為動五月徙冷山宋史劉豫傳洪皓久陷於金黏罕勸皓仕豫不從竄皓冷山先君述云

四洪年譜

卷一忠宣

先君閒關至太原留幾一年虜遇使人禮益薄及至雲中大

酋黏罕追遣與副使官偽齊先君曰萬里銜命不得奉兩宮

南歸大國度不足以有中原文當還諸本朝迺違天以奉逆豫

豫可磔萬段願力不能忍事之邪今留亦死不卽豫亦死豫

生狗鼠聞甘鼎鑊不悔也黏罕怒命壯士擁以下執劔夾承

之先君不為動旁貴人皆曰此真忠臣也止劔士以目為語

請黏罕怒少霽遂流遞於冷山與假吏沈珍隸卒邱德党超

張福柯辛俱副使至汴受豫命知恩州流遞猶中國編竄也

松漠紀聞冷山去燕山三千里去金國所都二百餘里皆

不毛之地按紀聞甯江州去冷山百七十里又云自北京至

燕二千七百五十里上京卽西樓也三十里至會甯頭鋪四

十五里至第二鋪三十五里至賓州渡混同江按混同河四

十里至報打亭董鋪七十里至賓州渡混同江按混同河四

自賓州混同江北八十餘里建寨以守予嘗自賓涉江過其

寨守禦已廢所存者數十家耳七十里至北易州五十里至

濟州東鋪二十里至濟州四十里至勝州鋪五十里至小寺

鋪五十里至威州四十里至信州北五十里至木阿鋪五十

里至沒瓦鋪五十里至奚營西四十五里至楊相店四十五

里至夾道店五十里至安州南鋪四十里至宿州北鋪四十

里至咸州南鋪四十里至銅州南鋪四十里至銀州南鋪五

十里至興州四十里至蒲河四十里至濟州六十里至廣州  
七十里至大口六十里至梁漁務三十五里至兔兒塢五十  
里至沙河五十里至顯州五十里至軍官寨四十里至楊隱  
寨四十里至茂州四十里至新城四十里至麻吉步落四十  
里至胡家務四十里至童家莊四十里至桃花島四十里至  
楊家館五十里至隰州四十里至石家店四十里至來州四  
十里至南新寨四十里至千州四十里至潤州三十里至舊  
榆關三十里至新安四十里至雙望店四十里至平州四十  
里至赤峯口四十里至七箇嶺四十里至榛子店四十里至  
永濟務四十里至沙流河四十里至玉田縣四十里至羅山  
鋪三十里至薊州三十里至邦軍店三十五里至下店四十  
里至三河縣三十里至潞縣三十里至交亭三十里至燕白  
燕至東京此東京謂宋東京開封府金初曰汴京後改曰南  
京一千三百十五里自東京至泗州一千三十四里自雲中  
至燕山數百里皆下坡  
**冷山皆完顏希尹**松漠紀聞悟室者  
其地形極高去天甚近  
陳王為左相誅宋克隆虞凡  
七十二王後為兀朮族誅  
**聚落公至希尹命其八子受學**  
於公原編悟室使誨其子彥清等今按松漠紀聞悟室長  
子源第三子撻撻疑源即彥清也撻撻勁勇有智力兼

四洪年譜

卷一 忠宣

百人其死悟室哭之慟曰折我左手亦見松漠紀聞又按金  
史完顏希尹傳二子把答熙宗紀作把搭漫帶與希尹同破  
誅先君述云雲中至冷山行兩月程距虜二百里餘里與松  
漠紀聞合又按宋史本傳距金主所都僅百里恐誤地苦寒  
四月草始生八月而雪土廬不滿百皆陳王悟室聚落悟室  
使誨其八子或一年宋史本傳作二年不給衣食盛夏至衣  
猶布番課四隸謂隸率邱德等四人採薪  
他山嘗久雪薪盡至乞馬矢煨麩而食

紹興二年壬子四十五歲是年為金天會十年

在冷山 九月王倫自金還續通鑑略得以家問附倫而歸言公奉使不屈

詔下秀州存問家屬賜銀絹二百時長子适未冠以修職郎

得監南嶽廟宋史高宗紀紹興二年九月壬戌王倫自金國  
使還入見王倫傳紹興二年粘罕忽自至館中

與倫議和云云是秋倫至臨安入對言金人情偽甚悉帝優  
獎之先君述云紹興二年使者王公倫歸為上言之此承上  
粘罕迫仕偽齊及流遞冷山言即下秀州存問家屬賜銀絹  
二百适未冠得監南嶽廟 原編是年十一月作太碩人七

十三歲  
生辰詩

附考先君述云嘗有旨以先君母老賜錢百萬又與將仕郎恩澤五人它賜予者三按當在紹興王子後

紹興三年癸丑四十六歲是年為金天會十一年

在冷山原編是年有寒食思親詩

紹興四年甲寅四十七歲是年為金天會十二年

在冷山原編是年有小原關鄱陽集作小王仲冬置酒次韻詩

紹興五年乙卯四十八歲是年為金熙宗天會十三年

在冷山 是年永祐陵諱聞公北嚮泣血旦夕臨遣使臣沈

珍往燕山開泰寺建道場為文祭之宋史徽宗紀紹興五年四月甲子金史熙宗紀

在天會十三年四月丙寅崩於五國城七月九月甲子凶問至江南十二年八月乙酉梓宮還臨安十月丙寅權攢於永

四洪年譜 卷一 忠宣

古

祐陵先君述云永祐陵諱聞先君北嚮泣血旦夕臨後遇諱日卽燕山開泰寺為文以薦云云故臣讀之無不掩涕按容

齋三筆載開泰寺功德疏較先君述為詳具錄如左容齋三筆卷八徵宗以紹興乙卯歲升遐時忠宣公奉使未反命滯

留冷山遣使臣沈珍往燕山建道場於開泰寺作功德疏曰

千載世莫遂乘雲之仙四海遺音同深喪考之戚況已上

衣冠招魂漫漫當從先君述作但歌於楚些雖置河東之賦

莫止江南之哀遺民失望而痛心孤臣久繫惟歐先君述作

嘔古通血伏願盛德之祀傳百世以彌昌先君述作無窮在

天之靈繼三后而不朽北人讀之亦墮淚爭相傳誦其後梓

宮南還公已徙燕率故臣以為罪也岳珂程史出迎於城北搏膺

宣蓋嘗於燕京憫忠寺肆筵以奠是時方身縻異境若於郡國禮制之外因心薦嚴雖前無此比亦不失臣子盡誠之誼云按朱彝尊曰下舊聞引王沂公上契丹事云幽州憫忠寺本唐太宗為征遼陣亡將士所造又有開泰寺魏王耶律漢甯造皆遣朝使游觀又朱昆田曰下舊聞補遺引屈大均鴻雪錄云燕舊有開泰寺王沂公謂是遼魏王漢甯所建元王暉秋潤集中載重修開泰寺功德疏亦曰遇眷燕山昔為遼

府開泰禪寺者爰因鄴第建自樞臣然遼史宗室初無魏王漢甯傳也據吳長元宸垣識略憫忠寺唐貞觀十九年建明正統中改名景福本朝雍正九年賜額曰法源寺是憫忠寺未嘗有開泰之名程史作憫忠寺疑傳聞之譌耳

紹興六年丙辰四十九歲是年為金天會十四年

在冷山

紹興七年丁巳五十歲是年為金天會十五年

在冷山原編有獨活他鄉已九秋之句

二月辛丑詔存卹家屬賜錢三百

緡續通鑑

紹興八年戊午五十一歲是年為金天眷元年

在冷山原編聞金軍過江未得確耗憂憤成疾有遺懷詩云老母八十漫嗟予

十一月夫人

沈氏薨於秀州

四洪年譜 卷一 忠宣

五

紹興九年己未五十二歲是年為金天眷二年

在冷山原編有賀左相封陳王啟按松漠紀聞載陳王悟室加恩制詞蓋金相韓昉為翰林學士時所作

紹興十年庚申五十三歲是年為金天眷三年

自冷山徙燕八月至燕 是年金人誅完顏希尹黨與皆坐

死獨公數與異議獲免金史熙宗紀天眷三年九月癸亥殺左丞相完顏希尹及希尹子昭武大

將軍把搭希尹傳作同修國史把答符寶郎漫帶又完顏希尹傳熙宗即位為尙書左丞相兼侍中加開府儀同三司天

俄封陳王與宗幹共誅宗磐宗雋二年復為左丞相兼侍中

尹詔曰師臣密奏姦狀已萌心在無君言宣不道逮燕居而竊議語神器以何歸稔於聽聞遂致章敗遂賜死是時熙宗

未有皇子故嫉希尹者以此言譖之松漠紀聞庚申年星守陳承上客星守魯言亦謂客星也太史以告宇文文語悟

室原注悟室時為陳王悟室不以為怪至九月而誅先君述云先君辱於悟室十年多為詩文以諷皆憂國傷時語悟

四洪年譜

卷一 忠宣

去

室嘗得獻取蜀策持以問先君先君歷陳古事梗之悟室銳  
 欲吞中國曰孰謂海大我力可乾但不能使天地相拍爾先  
 君曰兵猶火也弗敢將自焚自古豈有四年用兵不止者  
 又數數為言所以來為兩國大事今既不受使迺深入教  
 小兒兵交使在禮不當執悟室或應或否一日大怒曰汝作  
 無受殺行人之名此去蓮花濼三十里云虜已遣使約和悟  
 水以墜淵為言可也悟室義之而止又云虜已遣使約和悟  
 室問所議十事先君條折之甚至日封冊是虛名年號本朝  
 自有金三于兩景德所無東北宜絲蠶大國有其地矣網不  
 可增也至於取淮北人搖民害計本朝必不可景德之盟南  
 北所得人皆不取載書猶在可覆視也悟室曰吾固欲取  
 歸梁梁武帝欲以易其姪淵明於魏景遂作亂陷臺城仆兩  
 帝中國所監決不相從遂行所存沈邱德党趙三人既我  
 吾與汝如燕遣汝歸議紹興十年正月丙戌遣莫將等充  
 莫公將北來宋史高宗紹興十年正月丙戌遣莫將等充  
 迎護梓宮奉迎兩宮使議不合囚涿州事復變道達輶帳其  
 酋聞洪尚書名爭邀入穹廬出妻女胡舞舉渾脫酒以勸到  
 燕一月越王兀朮族悟室黨與坐死數百千人獨先君故與

持論異身幾死數矣 書機事數萬言藏故絮中遣趙德歸上  
 兀朮知之故得免 重先君執節爭持酒食相勞苦先君間行

之先君述云謀者得趙德書機事數萬言藏故絮中以歸曰  
 順昌之役虜震懼喪魄燕之珍器重寶悉徙以北意欲捐燕

以順昌之役虜震懼喪魄燕之珍器重寶悉徙以北意欲捐燕  
 詔未史本傳作今再舉尙可具以悟室問答語并兩宮諸王

主所居報上是歲紹興十年也 宋史劉錡傳時洪皓在燕  
 密奏順昌之捷金人震恐喪魄燕之重寶珍器悉徙而北意

欲捐燕以南棄之故議者謂是時諸將協心分路追討則兀  
 朮可擒汴京可復而王師

亟還中閒兩大病天憐羈苦偶幸再生日夜憂愁孀孀年高  
 恐不及一見慈顏以此痛心殆不堪處皓自酉年閏八月至

太原明年十二月至雲中兩處供給幸不又明年五月元  
 帥晉王驅皓詣冷山悟室監軍家監軍使皓教其子昭武是

行在途兩月跋涉四千里冷山中距金都二百五十里其地苦  
 寒九月而雪四月草始生十年中受盡艱辛不可勝說衣著

更不與盛夏服羸布隨行使臣沈珍兵士邱德党超幸在張  
 福柯辛巳死皓至冷山之明年春元帥嘗許南還將行監軍

十一月有上母書

膝下忽忽十

四洪年譜

卷一 忠宣

父子堅不肯比至草地元帥雖怒已無及乃遣王侍郎回三  
 二年來監軍過江有虜到此見問南中事皓不識其意每煩  
 惱戌年金軍過江有虜到此見問南中事皓不識其意每煩  
 之雖知此州官吏並前期往華亭免遭俘掠終不得端確緣  
 此憂惱成病監軍後除右丞相不主和議前年七月罷知興  
 中府故宋克魯三王內外用事欲割地以和去年正月復召  
 悟室入專權益甚三王侍郎來留謀其除之為二吏所告七月  
 三日遂誅三王九月王侍郎來留謀其除之為二吏所告七月  
 取投附人朝廷既無素備其銀絹禮數合入商量乃一切峻  
 卻遂至交鋒雖順昌軍捷岳帥眾集忽報班還何補使  
 臣履危受辱不足惜當念上皇神柩久寓遐荒太后年高甯  
 不思國宗室困辱不忍說生靈轉徙何時休息謂宜權以濟  
 事況為親屈所當容忍悟室嘗問歲幣皓答云契丹景德中  
 雖有此例緣山東河北產絲蠶其地今屬金國責之東南恐  
 不如數金三千兩景德無之又問正朔皓答云年號本朝所  
 自有悟室云南朝欲自用其名年號若表書來當用此間年號  
 又問封冊皓答云此自虛名不必較若表書來當用此間年號  
 答云昔東魏侯景以十三州投梁有眾十萬敗於壽春纜  
 存四百武帝欲以景易其姪淵明景遂作亂陷臺城弑二帝  
 景雖即滅梁祚亦亡監戒甚明恐不許必須許亦不肯來就

死徒成禍亂悟室曰我亦道不可得夫人云須得投附人至  
 若不至自環爾國家久之謂皓曰隨我到濟州看春水爾是  
 直性人言語樸實我言合得爾去與大人商議我約監公  
 佐四月間到來若三兩樁事從得使爾歸國商量遂以三月  
 半到濟州四月四日回冷山居八日悟室又云更隨我到燕  
 京以二十三日四日起五月初到草地及聞莫將來所請皆不從  
 大怒起兵向河南及順昌之敗岳帥之來此閒震恐未幾而  
 岳帥軍回吳璘兵大敗河南關西故地一朝復盡得入月十  
 八日皓與宇文相公先入燕至九月七日車駕入宇文去冬  
 教悟室子孫因此遂為謀畫每屏人私語至夜分悟室問江  
 南如何可取宇文禮凡先取四川宇文前此二人自悟室商議  
 畫三過房遣官制禮凡先取四川宇文前此二人自悟室商議  
 換授光祿大夫翰林學士兼太常卿修國史詳定禮儀欲得  
 皓亦換官庶幾朝廷知得例換九月二十二日悟室父子入  
 命也皓雖失倚託幸免換官亦未敢理會請授教其一童為  
 聞此議日夜號慟有昭烈大將軍者晉國之弟從前相愛聞  
 此見憐遂同晉國之子見平章相公愬老母累重乞免換授

雖已見許未知其他幸執如何更旬日問可決矣孃孃年高甯不因睹重添憂惱然為國亡身自古有之無可奈何所願免得換授將來和定須可圖歸萬一不

免老小長訣矣臨紙披淚悲不自勝

**附考**先君述云懿節皇后按高宗憲節邢皇后初諡懿節之姨高氏與其夫趙伯璘隸悟室戲下貧甚先君屢闕之

蜀公銘白曰我祖平虜以為官傭奴之先君使先君屢闕之資以歸裝貴族有流於黃龍府優籍者二人先君屬副留守

趙倫除其籍劉公光世之庶女小醜在虜豢豕為贖以重價求匹偶衣冠之家略為人奴者贖之數十人

史本傳張待制字發自蔚州死雲中先君過荒寺見其櫬攜之至燕山授其僕鍾禹功使葬松漠紀聞

不知其始所居後為契丹徙置黃龍府南百餘里曰賓州州近混同江即古之粟末河黑水也部落雜處以其族類之長

為千戶統之又云族多李姓子頤與其千戶李靖相知靖之

子亦習進士舉其姪女嫁為悟室子婦靖之妹曰金哥為金主之伯固礪側室其嫡無子而金哥所生今年約二十餘頗

好延接儒士亦讀儒書以光祿大夫為吏部尚書其父死託宇文虛中高士談趙伯璘為志高宇文以趙貧命趙為之而

**四洪年譜**

**卷一 忠宣**

大

二人書篆其文額所濡甚厚曾在燕識之又云勃海國去燕京女真所都皆千五百里又云國少浮圖氏有趙崇德者為燕都運都運疑是都軍見松漠紀聞補遺原注都監也又金史官名有中都路都轉運使此云都運殆省文與未六十餘休致為僧自為大院請燕竹林寺慧日師住持約供眾僧三年費竹林乃四明人趙與予相識頗久

**紹興十一年辛酉五十四歲**

是年為金皇統元年

**在燕 夏求得皇太后書遣李微歸上之冬復以書奏上并**

**獻六朝御容徽宗御書** 宋史章賢妃傳洪皓在燕求得后書

如一書遂加微官 遣李微持歸帝大喜曰遣使百輩求

得皇太后書遣邵武男子李微來歸上大喜因御筵謂講

讀官曰不知太母甯否幾二十年雖遣使百輩不如此一書

遂官李微其冬復以書曰虜已厭兵勢不能久異時以婦女隨軍今不敢攜朝廷以書曰虜已厭兵勢不能久異時以婦女勝進擊再造猶反掌爾所取投附人只欲保守江南歸之可也獨不監侯景之禍乎若欲復故疆報世讐不宜與胡銓封事宋史高宗紀紹興八年十一月辛亥以樞密院編修官胡



銓上書直諫斥和議除名昭州編管壬子改差監廣州都鹽倉此或有之知中國有人益生懼心張丞相名動殊方可惜置之散地并問李趙二相安否獻六朝御容徽宗御書其後和定祐陵祐陵上疑脫永字及太后歸音皆先報凡四年中以文書至者九數陳軍國利病謂施行之則宗社生靈之福留中皆莫得聞先君言無隱情歸國以此觸罪諸子懼深禍過庭不敢一問北事故忠謀祕策不詳得獨御帛書所存大略如此宋史朱弁傳亦云金國所得六朝御容及宣和御書畫

**金人數及換授** 金史太宗紀天會八年十月甲申天授公皆力辭至是上金相韓昉 丙子以濟南尹韓昉參知政

事書誓以死不就職遂令校雲中進士試使者監上道至雲

**中以疾聞復回燕** 宋史本傳初皓至燕宇文虛中已受金官

據此則金人欲換授因薦皓金主聞其名欲以爲翰林直學士

宇文虛中既換虜官欲叛先君分譴乃力薦於虜廷換先君

復及換授先君訴虜相韓昉乞於眞定或大名養濟圖逃歸

四洪年譜 卷一 忠宣

九

計昉怒宋史本傳皓有逃歸意乃請於參政韓昉乞於眞定

或大名以自養昉怒虛中贊其決遂換中京副留守復力辭

昉大怒降留守判官爲承德郎越行者屢矣誓以死不就

職虜法雖未換官而曾被任使者永不歸虜欲以計墮先

君令校雲中進士試使者監上道先君日損食腸爲有疾狀

既至謂院官日今取士以詩賦吾故學經耳日豈不能出語

策士乎考官孫九鼎三朝北盟會編天會十年孫九鼎試經

義第 一人者有太學舊爲以疾聞得回燕按雲中往還年月

失詳今以先君述訴虜相韓昉一語參考金史韓昉入相年

月附著於此 宋史朱弁傳金人欲易其官弁移書耶律紹

文日上國之威命朝以至則使人夕以死夕以至則朝以死

又以書訣後使洪皓日殺行人非細事吾曹遭之命也要當

舍生以 是年岳公飛死於大理獄 宋史高宗紀紹興十一年

全義爾 死於大理寺岳飛傳時洪皓在金國中蠟書馳奏以爲金人

所畏服者惟明監本宋史作爲誤飛至以父呼之諸酋聞其

死酌酒 相賀

**附考** 松漠紀聞金人科舉先於諸州分縣赴試詩賦者兼論

作一日經義者兼論策作三日號爲鄉試悉以本縣令

爲試官預試之士唯雜犯者黜勝首曰鄉元亦曰解元次年春分三路類試自河以北至女真皆就燕關西及河東就雲中河以南就汴謂之府試試詩賦論時務策經義則試五道三策一論一律義凡二人取一勝首曰府元至秋盡集諸路舉人於燕名曰會試凡六人取一勝首曰勅頭亦曰狀元云云府試差官取旨尙書省降劄知舉一人同知二人據此則校雲中進士試爲府試耳當在是年春

紹興十二年壬戌五十五歲

是年爲金皇統二年

在燕 何鑄曹勳使至燕請歸皇太后金人許諾公遣人先

報 宋史韋賢妃傳鑄等至金國首以後歸爲請金主曰先朝

伴耶律紹文來言金主許從所請洪皓聞之先遣人 皇太后

歸過燕公冒禁朝於燕 十二君述云云見後宋史高宗紀紹興

五國城八月壬午皇太后至入居慈甯宮 万俟卨等使至燕特持賜金帛 宋史高

四洪年譜

卷一 忠宣

三

興十二年八月甲戌以万俟卨參知政事充金國報謝使  
先君述云參知政事万俟卨出疆上知先君急闕命其副特  
持賜金帛錢大昕廿二史考異金史交聘表皇統二年十二  
月宋使上表謝歸三喪及母章氏是年宋參知政事万俟卨  
爲報謝使榮州防禦使邢孝揚副之表失載又云表於宋使  
姓名多闕漏宋史但有正僕姓名而不書官職惟繫年錄所  
載甚備今取以補表之闕據此知 日長至宴張總侍御家  
持金帛之副使當卽邢孝揚也

歸賦江梅引四闕 原編 容齋五筆卷三紹興丁巳所在始

年北庭亦傳之至於壬戌公在燕赴張總侍御家宴侍妾歌  
之感其念此情家萬里之句愴然曰此詞殆爲我作既歸不  
寐遂用韻賦四闕時在囚拘中無書可檢但有初學記韓杜  
蘇白集所引用句語一一有來處其一憶江梅云天涯除館  
憶江梅幾枝開使南來還帶餘杭春信到燕臺準擬寒英聊  
慰遠隔山水應銷落赴愬誰空恁遐想笑摘蕊斷回腸思故  
里漫彈絲綺引三弄不覺魂飛更聽胡笳怨淚沾衣亂插  
繁華須異日待孤颿怕東風一夜吹其二訪寒梅云春還消  
息訪寒梅賞初開夢吟來映雪銜霜清絕繞風臺可怕長洲  
桃李妒度香遠驚愁眼欲媚誰曾動詩興笑冷蕊效少陵慙

下里萬株連綺歎金谷人墜鶯飛引領羅浮翠羽幻青衣月  
下花神言極麗且同醉休先愁玉笛吹其三隣落梅云重閨  
佳麗最憐梅牖春開學放來爭粉翻光何遠落梳臺笑坐雕  
鞍歌古曲催玉柱金危滿勸阿誰貪爲結子藏暗蕊斂蛾眉  
隔千里舊時羅綺已零散沈謝雙飛不見嬌姿真悔著單衣  
若千和羹休訝晚墮煙雨任春風片片吹第卅一篇失其稟北  
人謂之四笑江梅引爭傳寫焉容片佐酒中有一人意狀推  
燕山赴北人張總侍御家小宮姬也坐客翰林直學士吳激  
抑可憐叫其故乃宣和殿小宮姬也坐客翰林直學士吳激  
賦長短句紀之聞者揮涕其詞曰南朝千古傷心地還唱後  
庭花舊時王謝堂前燕子飛向誰家恍然相遇仙姿勝雪宮  
髻堆鴉江州司馬青衫溼淚同是天涯激字彥高米元章婿  
也今按激乃宋進士吳棫之子元好問中州集載中州樂府  
首卽彥高此作調寄人月圓微有異字好問並記云彥高北  
邨俚及見彥高此作茫然自失是後人有求作樂府者叔通  
卽批云吳郎近以樂府名自然不可往來之金史文藝傳吳激  
建州人將宋命至金以知名留不遣命爲翰林待制皇統二  
年出知深州到官三日卒  
有東山集十卷行於世

四洪年譜

卷一 忠宣

是年長子适次子遵同中博學

三

宏詞科

先君述云适遵濫登博學宏詞科宰臣以所試制詞  
進讀上顧姓名問曰是洪某子邪父在遠能自立此

忠義報也可與陞擢差遣故遵除祕書省正字适爲刪定敕  
令官繼亦改秩入館自博學宏詞改科卽除館閣自遵始次  
月宰輔賀皇太后有來期上曰洪某身陷虜區乃心王室忠  
孝之節久而不渝誠可嘉尙某之二子並中詞科亦其忠孝  
之報也士大夫苟能崇尙節義天必祐之先聖福善惡淫之  
訓於某可以見矣語在慈甯宮回鑾事實按宋史藝文志有  
萬俟卨太后回鑾事實十卷又禮志紹興  
與二十六年十月進呈太后回鑾事實

附考

程敏政新安文獻志汪觀察傳汪介然字彥確紹興  
附考 程敏政新安文獻志汪觀察傳汪介然字彥確紹興

充本軍指使先是洪忠宣公皓陷虜高宗用其子适爲添差  
文惠爲相在孝宗時此誤屢書求皓虜以不知所在爲辭及  
公使虜遊城上皓聞笑語曰南音也密附蠟丸書公剖股納  
之歸聞於朝帝召見公以實奏命於御前取書以進上覽之  
涕泣乃命适拜公爲之厚賂和議乃成明年洪公皓朱公弁  
張公邵皆南還洪公令諸子孫羅拜之曰微夫人之力不及  
此适出知徽郡爲公建府第朱文公志朱弁墓得邑人汪介  
然密附洪公皓蠟丸之功也事見洪公家錄及輶軒集按新

安文獻志有朱弁墓志無注  
介然一語洪公家錄作家書

# 紹興十三年癸亥五十六歲

是年為金皇統三年

## 和議成六月庚戌公及張公邵朱公弁使還八月戊戌公至

### 自燕

宋史高宗紀紹興十三年六月庚戌金遣洪皓張邵朱弁來歸八月戊戌洪皓自金國入見盤洲集卷六十

二題輶軒唱和集全文見後云紹興癸亥六月庚戌先君及張公邵朱公弁自燕還八月戊戌先君至辛丑張公至乙巳

朱公至按此與本紀年月符合先君述云虜議遣奉使人各還其鄉因赦及之它使者幸稍徙多占淮北無敢言淮以

南者先君實以饒州聞張公邵朱公弁亦自言和州徽州人既議和還淮以南使者故先君三人在遣中用事者多曰此

等人若放了幾時更有今不留後必為我患歸計屢欲變參知政事王公使至燕先君得虜陰謀從坡上與館中人語為

留守易王公使至燕先君得虜陰謀從坡上與館中人語為聞所獲對吏將馳流星騎上其事副留守勃海高吉祥拔高

吉祥即金史列傳中高槓也傳云高槓遼陽勃海人天眷初同簽書會審牧及熙宗幸燕兼同知留守改同知燕京留守

## 四洪年譜

### 卷一 忠宣

三

考熙宗紀熙宗以天眷三年九月戊申至燕京皇統元年九月戊申又自燕京則槓之改燕京副留守當在皇統元年九月

以後又按周必大洪文惠公神道碑云虜既講好首命公為賀生辰使虜遣同簽書宣徽院事高闢先接伴自言其父

司空有德忠宣今考槓傳於海陵時策拜司空廢帝海陵紀貞元二年八月戊申以御史大夫高槓為司空參考紀傳凡

年代鄉貫官稱一一膺合無疑惟以吉祥二字表德則槓似當為禎耳據大明一統志卷二十五引作高禎从示素嘉先

君忠委曲護出之且易以他牘先君行月餘方以元牘進垂入境追者七騎至及諸淮則在舟中矣至盱眙以奉使無狀

自劫上方以來歸為喜報無罪可待日以御札趣覲又云其歸也北人治餞具幾月後使者至虜多問先君今何官居何

地又文惠公隸釋卷三三公山碑釋云頃者先公太師隔垣牆與驛中人語為覘者所得賴副留守高吉祥之力脫縲紲

而歸宋史高宗紀紹興十二年四月甲子朔遣王次翁為奉迎兩宮時皇后邢氏計猶未至故稱兩宮禮儀使九月丙午

金使劉筈完顏宗表等九人入見戊申以王次翁充報謝使按是年王次翁再使金先君述所稱先君得虜陰謀云云當

在王次翁報謝至金時 金史熙宗紀皇統二年二月戊子

皇子濟安生壬辰以皇子生赦中外八月丁卯詔歸朱弁張邵洪皓於宋十二月甲申皇太子濟安薨交聘表皇統二年八月丁卯詔遣宋使朱弁張邵洪皓等歸按金史遺歸年月與宋史高宗紀所書相去一年之差今以先君述歸計屢欲變及爲留守易王所獲二語參合宋金二史校之竊疑金人於皇統二年八月遣還遷延反覆至明年六月始成行耳金史熙宗紀交聘表稱其遣還使人之年月則曰皇統二年八月丁卯按金史王倫傳皇統二年五月李正民畢良史年歸而丁卯云七月張邵朱弁洪皓南歸與熙宗紀年同月異宋史高宗紀稱其發自金國之年月則曰紹興十三年六月庚戌二史據事直書是以互異非有誤也惟宋史本傳云十二年七月見於內殿十二當爲十三之誤沈世泊宋史就正編見四庫全書總目提要宋史下錢大昕廿二史攷異曾辨之矣張邵朱弁傳並作十三年與高宗紀合朱弁傳十三年和議成弁得歸王明清揮塵三錄又有朱弁投修武郎閻門宣黃舍人副王正道倫出疆被拘在朔庭凡十九歲紹興壬戌始與洪光解張才彥俱南歸按玉成當作癸亥張邵傳金嘗大赦許宋使者自便還鄉人人多占籍淮北冀幸稍南惟月與洪皓朱弁言家在江南十三年和議成及皓自南歸八月入見周密齊東野語歷陽張邵才彥建炎三年自承奉郎上

四洪年譜

卷一 忠宣

三

書賜對假太宗伯奉使撻覽軍前拘留幽燕者凡十五年及和議成紹興十三年始與洪皓朱弁俱還奏前後使者如陳過庭司馬朴先君述云司馬侍郎朱弁握節以死居數年無有能名之者先君爲陳本末詔以忠節顯著贈兵部尚書宋史詔稱其忠節顯著贈兵部尚書滕茂實崔縱魏行可皆歿異域未褒贈者乞早頒卹典邵併攜崔縱樞歸其家宋史崔縱傳金人許南使自陳而聽其還縱以王事未畢不忍言又以官爵誘之縱以悲恨成疾竟握節以死洪皓張邵還遂歸縱之骨又按邵嘗以言劉豫事觸怒金人由燕山北徙會甯府事見邵傳但未詳何年由會甯徙燕其在會甯時曾否與忠宣合并耳 宋史本傳金主以生子大赦許使人還鄉皓與張邵朱弁三人在遣中又云皓自建炎已酉出使至是還留北中十五年松漠紀聞北人重赦無郊需予銜命十五年才兩見赦一爲余都姑叛按余都姑遼將降金者宋史高宗紀云遼降將耶律余都即此一爲皇子生公自建炎三年己酉奉使至紹興十三年癸亥使還所謂銜命十五年也文惠公隸續卷十五石經儀禮殘碑釋云己酉年先公張廡請和聽命於其首黏罕繼徙冷山十有五年然後歸 大清一統志甯古塔流寓宋洪皓鄱陽人使金不屈將殺之後流於冷山

又遷之離會甯府二百里金陳王悟室知皓賢延使教子凡  
留金十五年和議成乃南歸初皓留金時以教授自給因無  
紙則取樺葉寫論語孟子大學中庸傳之時謂之樺葉四書  
甯古塔志亦云公留京甯古塔卽金上京會甯府地時以教  
授自給因無紙則取樺葉寫論語孟子  
子大學中庸傳之時謂之樺葉四書  
入見上眷甚厚奏事畢

力求鄉郡養母不許先君述云既老闕登時見內殿奏事罷

不忘君雖蘇武不能過豈可捨朕去也賜內庫金帶續通鑑

作金幣鞍馬旣又以馬驚復拜賜又賜御銘盾制琴一黃金

三百兩帛五百匹象齒三百斤縣香酒茶諸果物中使日踵

門咨訪宸章沓至且諭旨將柄用王應麟玉海高宗賜洪

皓御銘盾制琴一又云紹興十二年二月已上謂大臣曰

古人琴制不同各有所屬朕近出意作盾樣以示不忘武備

之意杭州府志寓賢傳洪皓全節歸朝見內殿乞歸鄉養

母錢曰卿忠不忘君雖蘇武不能過也豈可捨朕去因賜第

於錢塘之葛嶺命迎養明日皇太后召見徹簾問勞先君述

其親事載敦煌事實禁朝馬至陛對乞賜見明日按公以

后之歸也過燕先君冒禁朝馬至陛對乞賜見明日按公以

入月戊戌至闕明日爲八月己亥卽召之慈甯殿已設簾皇

四洪年譜 卷一 忠宣 三

太后顧昉人吾故識尙書矣命撤之問勞優渥語

必稱尙書賚子係道東朝對外庭臣唯先君一人尋除徽猷

閣直學士提舉萬壽觀兼權直學士院按先君述云閏九月

四洪年譜 卷一 忠宣

以八月戊戌至闕計之閏九月爲八月丁未若承上明日皇

太后召見言則爲戊申進徽猷閣直學士提舉萬壽觀兼權

直學士院沈該翰苑題名洪皓紹興十三年八月以徽猷閣

直學士提舉萬壽觀兼權直院九月依舊職知饒州據此則

權直院在八月又云先君半世朔庭入翰林不旬淡文惠公

題輶軒唱和集云九月乙卯先君以徽猷閣直學士入翰林

是月甲子出爲鄉州跋鄱陽集見盤洲集六十三卷全文并

見後云紹興癸亥還朝入直玉堂不旬日領鄉郡去據此則

權直院在九月竊疑直徽猷閣與兼權直學士院未必是同

日事且入直學士院定在九月乙卯迨甲子遂出知饒州所

謂不使一句寓乎玉堂之直也亦文惠語詳後賜諡下抑或

先君述據其新除月日計之鄱陽輶軒二集題跋據其入直

月日書之歟容齋三筆卷四先公使金歸除徽猷閣直學

士時劉才邵當制日於漏舍屬之至先公出知饒州幾將一

月猶未受告按此亦足證直徽猷閣與權直學士院非同日事

數忤秦檜檜風李文會論公

是月甲子出知饒州

宋史高宗紀九月甲子洪皓出知饒州

彌三日不休曰張丞相虜所尊憚乃不得用錢塘暫蹕而景

靈太廟宋史高宗紀紹興十三年二月乙酉建景靈宮奉安

累朝神御極土木之工示無中原邪語侵秦皆類此秦謂迺

日尊公信有忠節得上眷但官職如讀書速則易終而無味

要當如黃鍾大呂乃可又彥虜來取趙彬宋史高宗紀建炎

四年十月涇原統制張中彥經略司趙彬趙彬叛降金人紹

興元年四月金涇原帥趙彬犯耀州守臣趙澄擊走之五月

趙彬及金人合兵圍慶陽府守臣楊可昇擊敗之七月趙彬

來歸張浚承制以彬為陝西轉運使紹興十年趙彬為兵部

侍郎輩三十家先君疏言昔晉韓起謁環於鄭鄭小國也能

引誼不與虜既限淮官屬皆吳人留不遣蓋慮知其虛實情

偽也彼方困於蒙兀姑示強以試中國若遽從之彼將謂秦

無人而輕我矣宋稗類鈔品行類金人來取趙彬等三十人

家屬詔歸之時洪皓曰昔韓起謁環於鄭鄭小國也能引秦

強以嘗中國若遽從之則知我虛實謂秦無人益輕我矣槍

變色曰公無謂秦無人按宋稗類鈔原書不注所出後三日

復上疏言或以不與之故致渝盟宜曰俟淵聖皇帝及皇族

四洪年譜

卷一 忠宣

歸乃遣又言王倫郭元邁輩以身徇國奔之不取緩急何以

使人辭益剗切雲麓漫鈔郭公元邁字英遠高宗駐蹕維揚

時募使虜通兩宮者聞人魏行可請行英遠亦慨然上表補

右武大夫和州團練使為之副既至貽書虜帥黏罕反覆論

辨用兵利害乞歸二聖旋被拘留留紹興王或忠宣洪公尙書

歸自虜奏王倫與公以身徇國詞極剗切披壬戌當午癸亥

經筵進故實引楚平王止子旗伐吳事因言吳取州來楚弗

與校無民治國五年而後用師今淮右之民勞罷流散宜時

使薄斂勿令轉徙無告中興急務也秦益不喜初虜圍楚州

久不下時秦留黏罕所宋史高宗紀建炎四年九月金人攻

楚州趙立死之十月辛未秦槍自楚州金將撻懶軍歸於澠

水軍虜使之草檄諭降有室撻者在軍知狀先玉露洪忠宣  
虜事因曰憶室撻否則時託寄聲羅大經鶴林君露洪忠宣  
自虜回戲謂槍曰撻辣耶君致意槍大恨之秦色變而罷明  
日侍御史李文會論先君在朝必生事遂出知饒州宋史秦  
槍傳洪皓歸自金國名節獨著以致金酋室撻語直翰苑不  
一月逐去室撻者黏罕之左右也初黏罕行軍至淮上槍嘗  
為之草檄為室撻所見故因皓歸寄聲槍意士大夫莫有知  
者聞皓語深以為憾遂令李文會論之輿地紀勝饒州人物  
門洪皓注云奉使北虜不屈後講和始還朝兼權直學士

四洪年譜

卷一 忠宣

美

學士大夫榮之盤洲集卷七十七慈瑩石表云  
先君持節南歸祖母故無恙所留九男女皆在旁  
時長子

适官祕書省正字以奉親自列通判台州

附考 容齋三筆卷八建炎三年先忠宣公銜命使北方以淮  
至南京公遣書抵成方與耿堅圍楚州答書曰汴泗虹有

紅巾非五千騎不可往軍食絕不克唯命公陰遣客說堅  
強成斂兵公行未至泗謀云有迎騎甲而來副使龔琦憚之

送兵亦不肯前遂返旆即上疏言李成以餽餉稽緩有引眾  
納舍建康之語今靳賽薛慶方橫萬一三叛速衡何以待之

方舍垢養晦之時宜選辯士論意優加撫納疏從中出乃  
使撫諭成給米五萬斛公戒所遣持奏吏疏奏從中出乃

詣政事堂白副封時方禁直達忤宰輔意以託事滯留為罪  
特貶兩秩而許出滁陽路按此事前據文惠公語錄入建炎

三年與三筆所述互有詳略因復具錄原文於此紹興十三  
年使回始復元官時已出知饒州命予作謝表直敘其故曰

論事見從猶獲稽留之戾出疆滋久屢沾曠蕩之恩始拜明  
綸得仍舊秩伏念臣頃緣乏使不敢辭難值三盜之連衡阻

兩淮而薦食深虞猖獗之患或起呼吸之間輒露使宜冀加

陞出知鄉郡繫年錄云初秦檜在完顏昌軍中昌圍楚州久  
不下欲檜草檄諭降有室撚者在軍知狀紹興十三年皓與

檜語及虜事因曰憶室撚否別時託寄聲檜色變而罷翌日  
皓出知饒州又英德官吏門洪皓注云建炎已酉奉使虜庭

虜歸太后及粹宮皓力多矣癸亥皓亦得歸東朝德之除直  
學士院有大用意秦檜嫉其功皓乞不發南歸之人及謂檜

憶室撚否室撚者虜庭用事之臣也檜深衛之竟出知饒又  
謂英州又宋史秦檜傳凡論人章疏皆檜自操以授言者識

之者曰此老秦筆也又云附已者立與擢用如孫近韓肖胄  
樓炤王次翁范同万俟卨程克俊李文會楊愿李若谷何若

段拂汪勃詹大方余堯弼巫伋章夏宋樸史才魏師遜施鉅  
鄭仲熊之徒牽拔之冗散遠躋政地又多自言官聽檜彈擊

輒以政府報之 宋史本傳侍御史李文會劾皓不省母出  
知饒州 續通鑑李文會奏皓頃事朱勗之壻資緣改官以

該歸論乃求奉使比其歸也非能自脫特以和議既定例得  
放歸而貪戀顯列不求事母若久在朝必生事端望與外任

檜進呈因及宇文虛中事帝曰人臣之事君不可有二心  
為人臣而二心在春秋皆所不赦乃命黜皓 容齋四筆卷

十六先公歸國僅陞侍秦國太夫人 先君述云時太碩人春  
一職立朝不滿三旬 侍秦國太夫人 秋八十有五畫錦剡下



四洪年譜

卷一 忠宣

將宣和殿書畫舊物示之提刑洪慶善作詩曰願公十襲勿

浪出六丁取將飛辟歷辟歷二字如古文不從雨公和之曰

萬里懷歸為公出往事宣和空歷歷邁請其意曰亦出杜詩

歷歷開元事分明在目前也先君述云先君天性強記書

無所不讀雖食不釋卷釋官小說亦暗誦連數千言又云善

琴奕好古能別三代彝器見書畫不計直必得之乃已有書

萬餘卷名畫數百卷皆厄兵燹據文惠公鄱陽集跋語在紹

興庚戌春金人犯秀州時居窮絕域復訪求榻載以歸

洲集卷五十繳進太祖皇帝御書奏狀云頃年先臣以使事

久繫異域訪求於鄜市之間換易於酉渠之家前後所積凡

得乾德開寶中御筆編次太祖皇帝御筆數十卷容齋隨

筆卷三神宗有御筆一紙為穎王時封還居皇太子狀者狀

云右諫議大夫天章閣待制兼侍講李受起居皇子大府

其外封題曰台銜回納下云皇太子忠武軍節度使檢校太尉

同中書門下平章事上柱國穎王名謹封名乃親書其後受

之子覆以黃繳進故藏於顯謨閣先公得之於燕始知國朝

故事親王與從官往還公禮如此又四筆卷十三濮安懿王

之子宗綽蓄書七萬卷始與英宗偕學于邸每得異書必轉

以相付宗綽家本有岳陽記者皆所賜也此國史本傳所載

宣和中其子淮安郡王仲彥進目錄三卷忠宣公在燕得其

勤卹雖璽書賜報樂聞充國之建言而吏議不容見謂陳湯

之生事虧除官簿歷歲時敢自意於來歸遂悉還於所奪

茲蓋忘人之過與天同功念臣昔麗於微文蔽罪本無於他

意故從數赦俾獲自新書印既畢父兄復共議秦檜方擅國

見此表語言未必不怒乃別草一通引咎曰使指稽留宜速

虧除之戾聖恩深厚卒從杖拭之科仰服矜憐唯知感戴伏

念臣早繇乏使遂俾行成值巨寇之臨衝欲搏人而肆毒伏

節宜圖於報稱引車何事於遂巡徐偃出疆既失受辭之體

申舟假道初無必死之心雖蒙貶秩以小懲尙許立功而自

贖徒行萬里無補一毫敢妄冀於隆寬乃悉還於舊貫茲蓋

忘人之過撫下以仁陽為德而陰為刑未嘗私意賞有功而

赦有罪皆本好生坐使孤臣盡湔宿負云云前後奉使無有

不轉官者先公以朝散郎被命不沾恩凡十五年而歸僅復

所貶而合磨勘五官刑部皆不引用秦志也遂終於此階

又五筆卷三先忠宣公好讀書北因松漠十五年南謫嶺表

初歸重之闕命邁未疾而繙閱書策早莫不置云云為死別

偶遂生還謂邁曰此雖不必泥出處然有所本更佳東坡海

外表云子孫慟哭於江邊已為死別杜老羌村詩云世亂遭

飄蕩生還偶然遂正用其語在鄉邦日招兩使者會集出所

毛

中秩云除監本外寫本印本書籍計二萬二千八百三十六卷觀一秩之目如是所謂七萬卷者為不誣矣三館祕府所未有也盛哉宋史宗室世系表贈大師榮王諡孝靖宗綽長子襄王諡康孝仲廉宗室列傳濮安懿王下云宗綽嗣官至河陽三城節度使檢校司徒紹聖三年二月薨年六十二贈大師追封榮王諡孝靖按蕃書事傳未載又續筆卷十三先公自燕歸得龍圖閣書一策曰貽于錄有御書兩印存不言撰人姓名而序云閣書受知南平王政寬事簡意必高從誨擅荆渚時寶僚如孫光憲輩者所編皆訓敕童蒙 盤洲集卷三十四重編唐登科記序云先忠宣公還自朔庭得昭文館姚康書前五卷最為詳盡而亡其十有一卷唐書藝文志姚康科第錄十六卷所載高祖太宗兩朝進秀甲乙總二百六十三人又卷六十三跋岐陽石鼓文云先公北歸有宣和殿所刊復古圖一帙圖十鼓而釋之以車攻篇冠其首韋韓二詩歐周二跋尾其後折衷以雲漢之章更有司馬天章公鳳翔所鐫韓公詩篋中所藏甚備復集東坡諸公詩文為一卷容齋三筆卷六杜詩云鬪雞初賜錦舞馬既登牀簾下宮人出樓前御柳長仙游終一閱女樂久無香寂寞驪山道清秋草木黃先忠宣公在北方得唐人畫驪山宮殿圖一軸華清宮居山顛殿外垂簾宮人無數穴簾隙而窺一時伶官

四洪年譜

卷一 忠宣

三

戲劇品類雜沓皆列於下杜一詩真所謂親見之也又四筆卷十三予記先公自燕還有一印曰伯志西齋今亦不存欽宗在東宮時所藏其後猶有二硯大者為瓢形背有隱矣又續筆卷十二先公自燕還得二硯大者為瓢形背有隱起六隸字曰建安十五年造小者規範全不逮而其腹亦有六篆字曰大魏興和年造皆藏姪孫佃處予為銘建安者曰鄴瓦所范嘻其是邪幾九百年來隨漢槎萍爾筆鋒肆其滂葩備實寶此以昌我家銘興和者曰魏元之東狗腳于鄴呼其瓦存亦禪干劫上林得雁獲貯歸笈玩而銘之衰淚棲睫先君述云四夷附錄按四夷附錄上當補五代史三字所載西瓜先君持以獻故禁固及鄉圃種之皆碩大西瓜始入中國盤洲集卷九西瓜詩云萬里隨虜使分留三十年甘棠遺愛在一見一漕然原注

紹興十四年甲子五十七歲

在饒州 詹大方迎秦檜意論公六月丁酉謫提舉江州

海陽郡今 太平觀 宋史秦檜傳皓之罪由白鏐延譽先君述九江府 云大水秦方錯天下舌不得言中官白鏐

從皇太后北歸者宣告變理乖鑿洪尚書名聞華夷顧不用  
秦聞繫鏹大理獄獄成鏹實不識先君特以虜中知名故鏹  
既流嶺海諫議大夫續通鑑作御史中丞詹大方指先君與  
鏹勿頸交更相稱譽遂提舉江州太平觀宋史高宗紀紹  
興十四年六月丙申內侍白鏹坐誹謗及其客張伯麟俱黥  
配吉陽軍秦檜傳閩浙大水右武大夫白鏹有變理乖謬語  
刺配萬安軍太學生張伯麟嘗題壁曰夫差爾忘越人殺而  
父乎杖脊刺配吉陽軍據高宗紀則公謫當在六月丙申後  
按宋史本傳及秦檜傳作白鏹高宗紀作白鄂今改正秦檜  
傳張伯麟殿本宋史作張伯綸今從明監本與高宗紀合

### 八月秦國太夫人董氏薨

按先君述於出知饒州下云時太碩人春秋八十有五知是年

入十有六又按盤洲集卷七十祖母周祥疏云日薄西山已

三語可證

### 紹興十五年乙丑五十八歲

#### 在饒州爲秦國公秦國太夫人營葬滄潭

年月失詳先君述云丁太碩人憂

### 四洪年譜

卷一 忠宣

完

先君恨牽人使事承顏闕養空囊中辦大葬一椽一石心營  
指授終日扶杖與工傭等勞而御史中丞何若朱史高宗紀  
紹興十七年正月壬辰以御史中丞何若劾書樞密院事三  
月乙亥何若罷猶論先君爲睥睨鈞衡謀不靖者宋史本傳  
尋居母喪他言者猶謂暗睥睨鈞衡盤洲集卷七十三祖  
廟焚黃祭文云謹以太子太傅黃告一通俾弟某上冢以告  
又滄潭焚黃文云祖考自亞傳而冠三孤祖妣自莒國而進  
衛國又辛卯滄潭焚黃文云祖考繇帝保而躋帝傳祖妣則  
有大國是年三子邁中博學宏詞科

### 紹興十六年丙寅五十九歲

#### 在饒州

盤洲集卷七十祖母忌辰疏云望斷新阡阻一官於千里悲纏諱日驚再見於三秋時文惠公通判台州

故有第二語原編是年作祓殯詩

### 紹興十七年丁卯六十歲

#### 服除復提舉江州太平觀檜黨余堯弼論公五月己巳謫濠

州濠州隸淮南西路宋史地理志濠州鍾離郡乾團練副使

英州英州隸廣南東路今韶州府英德縣宋初曰英州宣和

德府按後漢郡國志滇陽屬桂陽郡殷本宋史地理志作貢

道廣州南海郡本名安置宋史本傳終喪除饒州通判李

真陽貞觀元年更名安置勤按除字衍饒州通判四字下屬

月己巳宋史作乙巳誤洪皓責濠州團練副使英州安置宋

史秦檜傳十七年五月移貶洪皓于英州先君述云服除復

得太平觀此語足正宋史本傳之失饒州通判李勤與太守

王公洋同僚陳公之淵積不相能且幸以訐進誣先君作欺

世飛語王陳與聞之有雅憎先君者從中實其事殿中侍御

史余堯弼以爲言王陳罷去先君謫濠州團練副使安置英

州續通鑑洪皓責授濠州團練副使英州安置皓丁內艱

既終喪復遂通判於是直徽猷閣王洋知饒州而左奉議郎

陳之淵添差通判二人與右承議郎通判州事李勤積不相

能勤倖以訐進告皓有欺世飛語洋之淵皆與聞之殿中侍

御史余堯弼即奏皓造爲不根之言簧鼓眾聽幾以動搖國

四洪年譜 卷一 忠宣

是請竄還裔洋之淵亦宜寅之典憲詔罷洋之淵而皓有是

命周必大作汪元渤居右史文集序云晚守鄱陽洪忠宣

適獲罪於秦無敢過其居者公獨修舍蓋故事坐是罷劉長

容齋三筆六吾州餘干縣東于越亭有琵琶洲在下唐劉長

卿張祐輩皆留題紹興中王洋元渤一絕句云塞外烽煙能

記否天涯淪落自心知眼中風物參差是只欠江州司馬詩

真佳句也據此則周必大集作汪洋誤按先君述云還鄉

三秋執喪之日過半此約略言之耳自出知饒州至安置英

州凡首將卜築澹津會南謫不果盤洲集卷七十三家廟祭

尾五年將卜築澹津會南謫不果考姚文云澹津之址基我

先君南遷不返齋恨泉下布椽治礎遺訓在耳歷載二十始

遂肯堂之志會有稽山之命不克俟落成而去家廟居中實

存肯堂斤斧未休往鎮禹會句祠得請茲克奠居家廟處中

獲肯堂蔭永期燕妥益壽後人按文惠公以乾道丙戌三月

式報遺蔭永期紹興府距是實二十年又卷六十八澹津下

罷相七月起知紹興府距是實二十年又卷六十八澹津下

築上梁文云念先公之始基爲我里之佳處又云茲契肯堂

之志敢辭治第之勞又卷六十九澹津下築青詞云卜築澹

津實虔遵於先志用工累歲豈無犯於凶神欲保又甯敢伸

祈謝伏念臣頃因罷相再獲還鄉適與土木之謀以爲風雨

之北前簷後廡幸略就於規模右築左穿恐妄干於禁忌已  
享一區之佚久稽百拜之儀茲肅清壇仰酬洪覆伏望高眞  
委鑿吉曜垂光老穉伸眉長受如茨之祉巫醫掃迹自臻勿  
藥之休又盤洲集卷三十一慶善橋記云中番城有湖曰澹  
浦大隄橫絕屬市西輔小隄湖判而三唐爲  
放生池自刺史顏魯公始按澹津疑卽澹浦  
寺原編先君述云旣至得僧舍數楹於黃茆叢竹中居之  
泊如地產奇石遺僮裏糧幽討羅列四壁下手斧鑿晝連  
夕丁東其間原編是  
長子适省公於豫章洪州豫章郡隆  
潛藩升爲府按是年文惠公第三子摺瘍文惠爲墓銘在  
盤洲集卷七十五云子佐天台郡罷有日聞家君諱英州理  
裝亟行時第三子病創甫痂落次婺女婺州東陽郡今金華  
府內子病且棘旣少閒予取捷道趨家君寓所及之豫章諸  
子奉其母還吾鄉閱月有執書汗而前者言吾子創之毒未  
蕩治隆暑登道那熱中蘊痞遂病咽不粒者浹辰矣居頃之  
別膝下回見吾子佺然存其骨喜吾之歸則強內糜飲匙七  
必吾親授斯須不許離去日景則命乳保拂筮枕以俟如是  
者二十日其亡以八月之六日云云據此銘則文惠公以是  
年六月省親豫章七月歸饒州未至英州也原編謂十一月

四洪年譜

卷一 忠宣

三

文惠公罷三子邁隨侍英州容齋三筆卷十一英州小市江  
官趨侍誤三子邁隨侍英州水貫其中舊架木作橋每不過  
數年輒爲湍潦所壞建安何智甫始疊石爲之方成而東坡  
還自海外何求文以紀坡作四言詩一首子侍親居英與僧  
希賜遊南山步過橋上讀詩碑希賜云眞本藏於何氏此有  
石刻經黨禁亦不存今以板刻之乃希賜所書也坡公作詩  
時建中元年辛巳子聞希賜語時  
紹興十七年丁卯相去四十六年

紹興十八年戊辰六十一歲

在英州郡守倪督欲釀公罪取使節未及發督死

未詳何年原編在此

仍之先君述云閩人倪督老矣以承務郎守郡自謂秩卑  
無與主問新興新州新興郡隸廣南東路守以巧中遷客取  
使節意躍然效之鉤先君爲奇貨使主兵官左右狙讎隙  
捕鍛家奴獄中欲持一兩事釀成罪以梯已未及發督死

紹興十九年己巳六十二歲

在英州瘴作不食十有八日口占秀州揀菑事授諸子呼天

請命詰朝即能食至於復初

先君述云屏徙厲土嵐毒侵淫無珍膳良藥自輔二年而瘴作

蓋不食十有八日昏不知人嘗少瘠口占秀州揀舊事授諸子呼天請命夜夢之帝所有宣赤章云云者詰朝即能食至

於復初後二年乃臥末疾夷堅志乙集下英州野橋條云

先曰謫居英州無祿粟以食旋空裝買百畝令季弟景徐景徐名

里曰東鄉有良田而先公忽被疾遣僕走報徐弟得信時

邇往檢校方冬穫稻而先公忽被疾遣僕走報徐弟得信時

已黃昏急持馬歸行半道馬忽蹶局縮栗若有所畏馭者曰

必有虎在近適月色籠明遙望數百步外叢薄中果一虎弭

耳而過焉蓋已見之徐亦怖然思親念極強加鞭將屆城五

里許值斷港無船可渡臨淵上下得橫木經水中謂為野橋

遽踐之甚滑不可移足乃跨之而進手所托處黏腥如飴錫

之誤到家東方已明他日再經彼處元無所為橋蓋晨晨疑曩

濟港善還且免搏噬之害其背如此盤洲集卷六十九感得

大以禳謝青詞云陟謁思親恨循陔之甚邈開緘聞疾欲嘗

藥伏念臣父頃以臺評謫于嶺表逢鱷遇魅久窺白澤之圖

茹蠱踐蛇致苦黃茅之瘴初傳消息采劇驚惶肱三折以無

四洪年譜

卷一 忠宣

紹興二十年庚午六十三歲

醫陽九回而終日謀之卜筮厄有星辰輒披懇禱之私即迺安平之喜惟祭魚之匪報爰舍肉而有所恭卜良辰肅陳妙供伏願凶躔轉禍淵鑿發祥土地所宜冀

在英州

紹興二十一年辛未六十四歲

在英州患風淫疾

原編於是年書云在英州臥末疾數月按公自此年後風淫之疾纏綿迨於捐館詳

文惠公歷年設醮青詞中原編數月二字誤盤洲集卷六十

九大人保安青詞云受生天地之中夙懣覆載請命星辰之

下願賜哀矜虔即醮筵輒披愚悃伏念臣稟資窮薄涉世迤

遣自竄南荒于今五稔山河乖異惟瘴毒之滿前魑魅逢迎

致風淫之中左手攀足廢氣耗神昏汗多不可見寒食少無

病何由而去體詢求巫卜推測吉凶謂羅喉臨照於命宮而

焚感遲留於厄度迨仲秋之換節方列曜以回光不勝祈禱

之私預肅禴禳之具念陋邦莫能備物賴淵鑿有以享誠總  
眞適屆於中元傲福庸殫於下地冀臻景覲獲度災時伏望  
上帝假年取靈轉禍憐臣身久困於蠻貊察臣行無負於神  
明俯寬潢潦之誅特駐崦嵫之景脫虜軀於醜地迎大書之  
渥恩未疾有瘥得比躡跚之

是年方公滋始為廣南東路  
靜江府方滋陞直敷文閣知廣州  
堂記云紹興辛未桐廬方公以鷺序之舊自桂林移節來鎮

宋史高宗紀紹興二十五年十一月辛未列郡守臣王剛  
王鑄鄭僑年鄭震方滋俱以諂附貪冒罷據此則方滋罷守

在忠宜既沒之後但宋史待公盡禮時長子适趨待經略因  
無方滋傳恐中更他郡也

延為僚屬容齋四筆卷八秦氏當國時先忠宣公鄭亨仲資  
政胡明仲侍郎朱新仲舍人皆在謫籍分置廣東

方務德為經略帥待郎朱新仲舍人皆在謫籍分置廣東  
得罪於朝廷者必加意護結得非欲為異日方滋在廣部凡

相有云不敢輒言方滋之為人天性長者凡於人唯以周旋  
為志非獨於遷客然也秦悟曰方務德卻是箇周旋底人其

四洪年譜 卷一 忠宣

壹

疑遂釋當時使一檢巧者承其問傲肆一語方必得罪而諸  
公不得安迹矣又攻媿集方參議墓志銘云方滋敷文閣學  
士通議大夫累贈少師在二廣八年自趙忠簡公鼎張忠獻  
公後洪忠宣公皓李莊簡公光皆為秦氏所擯斥流散湖廣  
或在海外少師一一以時存省饋遺濟其乏絕不幸沒於煙  
瘴者又為津致北歸又云少師在番禺羅致洪忠宣公長子  
适為屬丞相文惠公也仍命君定交其處郡齋文惠入相  
然後引之退然惟循塗守轍而已按參議名導字夷吾

紹興二十二年壬申六十五歲

在英州 盤洲集卷六十九大人生朝設醮青詞云寢瘵計窮  
不避再三之瀆顛空情切庶祈萬一之哀盡歷危夷

仰于仁覆伏念臣自嬰瀕滯疾再涉隆冬以減殮常通宵而奪  
之繇手無所措豈知指運之能既度日以減殮常通宵而奪

寐怔松自失廢網是憂居此炎荒闕然良劑猶賴神明之護  
尚容喘息之延斯屆初生敢陳清醮居瘴疴之俗而不免因

困厄賜以安平遭此扁之高醫復邯鄲之故步念痠人不  
起早脫舊病瞻衡宇

以載奔遂迎解澤

紹興二十三年癸酉六十六歲

在英州 是年春長子适得馮氏故宅作爽堂奉公居焉

集卷三十一 爽堂記云 滇陽五嶠之醜地也 郡城不百所步 財足周守居曾巨室垣墉之不若其民茨竹為屋人家雜糅

四壁不墁一室張鏡則光浹比宇紹興癸酉於是家君請七

年矣某再至亦四換卉衣初寓法林寺溼燠庫窄出門茅不

見人四旁皆狐虺所穴瞿然惟盜之患今春始以四十萬得

馮氏故廬倚山作趾繁木護其後家君枕疾既久足未良行

居之即心開目明疾亦少閒某絮劑之隙理策躋巖則放然

有邱壑之趣忘其身之在瘴霧中也而北有小堂叩首舉踵

觀天渙之來御親輿以返遂謂之企歸作亭于南倚窗寄意

故以南寄標其顏其左有二離支高巖四尋茂葉童童如蓋

南荒多暑休其下赫曦不能迺西山橫前煙際雨歇則遙岫

崑壁或立或奔怪奇駭延呈衍天巧於是立屋四楹曰爽堂

如脫屣則韞鎖安能既我治小軒以思陶為名登梁之日有

文曰九夷欲居況在王略一日必葺少安老親非虛語也

先君述云徙居城北山中仍年谿漲通衢沒其棟先君容郡

四洪年譜 卷一 忠宣 焉

人避水扶襁老稚填溢堂廡幾千指皆廩食之數日水退然

後去 盤洲集卷六十九 大人 生朝設醮青詞云射蓬紀旦

益驚垂老之衰臥蓐積年不避祈哀之瀆仰于淵鑿曲聽愚

衷伏念臣景迫桑榆罪投魑魅自纏縣於未疾茲經涉於三

冬奄奄無聊安否靡知於朝夕蒼蒼所覆護持猶賴於神明

致使孱軀稍能運肘重惟醜地難遇良醫無飲食奚以扶羸

乏湯劑未能起廢復呼天而有禱冀履地之可祈不勝丹款

之私敢肅潢汗之薦伏望帝心融祉星度去災體脫沈痾早

在英州

紹興二十四年甲戌六十七歲

紹興二十五年乙亥六十八歲

謫居英州至是九年始復左朝奉郎主台州崇道觀袁州

地理志袁州宜春郡隸江南西路

居住未踰嶺疾革以十月二十日薨於南



雄宋史地理志南雄州隸廣南

東路宣和二年賜郡名保昌年六十八先君述云謫九歲

薨於南雄後一日秦亡宋史適傳檜死皓還道卒按此誤據

先君述當云皓還道卒後一日檜死容齋隨筆卷十五先公

自嶺外徙宜春沒於保昌道出南安時猶未聞檜相之死張

子韶先生來致祭其文但云某年月日具官某謹以清酌之

奠昭告於某官之靈嗚呼哀哉伏惟尚饗其情旨哀愴過

於詞前人未有此格也宋史高宗紀紹興三十五年五月甲

子張九成坐黨施鼎南安軍居住本傳云在南安十四年

### 復敷文閣直學士

宋史高宗紀紹興二十五年十月丙申秦檜薨周密齊東野語紹興乙亥十月二十

二日秦檜亡翼日曹泳勒停安置新州十一月甲子幸秦檜

第臨奠乙丑復洪皓官續通鑑十一月乙丑左朝奉郎主

管台州崇道觀袁州居住洪皓復敷文閣直學士皓謫英州

九年至是已卒魏良臣等言皓在貶所病甚欲復舊職宮觀

任便居住帝曰皓頃在虜中屢有文字到朝廷甚忠於國中

間以言語得罪事理曖昧可依所奏先君述云訃至輔臣

入奏上嗟惜久之即復敷文閣直學士制曰有功臣見知聖人

釀於用賞不幸而過君子為之動心矧子嚴近之臣備載忠

### 因洪年譜

#### 卷一 忠宣

勤之績眷倚方渥愛憎隨生坐一省以投荒積九年而不徙

人無言者朕甚念之洪某學有本源氣存剛大惟知忠力以

衛上不顧險夷之在前衛君命以玉征厄海濱而不悔誠貫

白日聲震朔方義重於生耿蒸無玉門之望天將悔禍蘇武

持漢節而歸大節無虧多言不宥遂解禁林之直卒遷瘴嶺

之南閱歲滋深餘齡可憫宜畀真祠之逸仍增延閣之華尚

對寵光歸安鄉社自聖上躬萬幾還逐臣非罪者先君適以

不起聞而聖意哀厚首得舊物使及其生存而寵之故訓詞

惻怛尋復徽猷閣直學士續通鑑紹興二十八年三月戊子

如此徽猷閣直學士以其子起居舍人遵言復職未盡也尋賜諡

曰忠宣文安公乞賜諡劄子云先臣原係徽猷閣直學士

當今有司失於契勘表復敷文閣雖徽猷敷文階品無殊臣

切恐天下後世無以表見謂是貶黜職未復舊欲望聖慈追

復舊職按復徽猷閣在遺奏未至特詔贈四官見先君述述

紹興戊寅類紀於此遺奏未至特詔贈四官又云先君自

為從官不報考功課故官推遺致恩別以一孫官江東漕司

止朝散郎以贈至大夫推遺致恩別以一孫官江東漕司

庀襄事見先君述述又云概右迪功郎江東轉運司准備

差遣即此按推遺致恩謂致仕遺表宋史屢見

至鄱陽郡開國侯食邑至一千一百戶

見先君述賜諡忠宣公文

臣諡告碑記云紹興二十五年十一月癸亥臣自祕書省正  
字兼權中書舍人以憂去國今年正月辛巳被庚午制書召  
臣赴行在三月乙未又召臣弟邁壬子臣對於垂拱殿奏事  
畢上曰久欲見卿秦檜死便欲擢用偶卿丁憂又隔三年即  
稱先臣朔庭全節遂及秦檜奇入館時檜語臣豈有外庭臣  
慈甯檜忌其禮已有怒言臣再入館時檜語臣豈有外庭難  
卻朝皇后之禮上曰旣在燕得見此可得見若舊不識卻難  
見臣因奏室撚事上曰卿父之貶朕初不允秦檜云不如此  
人不畏臣對以非賴陛下保全必致死地三月戊寅弟邁入  
對上曰卿父出使與宇文虛中同時虛中負國卿父獨執節  
不屈旣還朕即有意大用何故與秦檜相失如此自秦檜死  
便欲擢用卿兄弟邁且對且奏先臣終始惟賴陛下照知  
前年詔於諸逐臣中首復官職皆陛下生死骨肉之恩臣兄  
弟功微何勞動以問記戊子臣以謂事進對上復及前事曰  
非朝皇太后事卻止是室撚事蓋謂作檄論降秦檜恐人知  
所以將他事中傷臣因奏先臣罷知饒州及貶英州時讒語  
上咸記其人又曰皇太后嘗說卿父在北方常使人奏機事  
所以朝廷得知皆卿父之功朕嘗諭卿父雖蘇武不能過臣

四洪年譜

卷一 忠宣

三

奏先臣初歸蒙陛下許書蘇武傳以賜繼以得罪不敢請臣  
又奏先臣復職未盡上曰是徽猷閣自當盡復臣又奏先臣  
旣蒙聖矜之厚乞賜美諡為忠義之勸即日御筆依所乞五  
月乙亥臣復以職事對奏云先臣蒙復職及賜諡忠宣臣欲  
以指揮及諡告刻石傳之無窮侈美聖恩以為存歿光榮上  
曰可且曰卿父不止奉使一節朕見其學問議論便欲大用  
止緣忤秦檜使令在時已作執政臣奏先臣生不獲用旣沒  
之後蒙陛下記錄稠疊如此使九原有知當結草於地下臣  
退自惟三月之閒兄弟四對願問往復至數百千言方臣入  
覲時諭臣云召卿弟邁幾時到宰臣進議臣兄廷知荆門軍  
上顧姓名曰是洪弟邪臣兄弟不肖偶竊詞科不能耐績家  
聲一日遭逢躡冒寵進先臣死以先臣忠義大節及前後讒  
竊排妒之迹陳露上前先臣死且不朽敢以諡告鐫之後因  
竊識聖語其上六月甲辰遵謹記 盤洲集卷六十二敬書  
先忠宣賜諡制書後云臣聞足再刑而玉顯其美火百鍊而  
金知其精人臣忠邪至身後而是非始判發潛德之幽光誅  
姦諛於旣死孔子作春秋之旨也先臣當戎馬紛紜之際使  
不可測之絕國十有五年然後歸陛下謂蘇武不能過且許  
筆賜其傳會先臣席不煖而逯弗獲藏金璧之寶今又有  
五年弟邁入對陛下褒歎忠節復道前語恩隱再三寵之令

四洪年譜

卷一 忠宣

三

謚生雖奇剝芬香多矣臣謂衛律李陵屢說而武不降先臣則為宇文虛中韓昉所逼三換官而不受張勝事泄武有疑劍幽窖之危先臣則不同龔璚仕齊甯蹈利刃冷山無以異於窮海之北餬口於悟室無以異於軒王隻影南翔所不及牧瓶者四歲至若通永祐之表朝長樂于燕閒道蠟書其至有九篇見王人幾價牢戶問答往反皆有闕庇民之語投其詩聖訓明哉然燕王聲霍光之所無者陛下以為武不能過聖訓明哉然燕王聲霍光之所無者陛下以為武不能屬國楊敞無功迺為搜粟都尉遂謂光顯權自恣疑有非常而秦檜排姪先臣不使一句寓乎玉堂之直致陛下有大用之意而不遂終之流放醜地九年不返則得禍之酷特甚於武武之十子黨叛人而誅漢廷憐之為之遠贖胡出蘇氏賴非遇天日清明則亦禁錮就死嗚呼一言華袞萬世不刊易名崇終匹休麒麟圖畫諸狐不肖咸叨錄用恩徧存歿又過蘇氏臣礱石以識吳渥泰龜逢吉鎮之松洩九江之瀧廟焚忠義之氣後累贈至太師魏國公盤洲集卷七十三爾廟焚於茲見之密章增飾禰廟某印轍所縻不獲躬至松楸之下宥庭皆有密章增飾禰廟某印轍所縻不獲躬至松楸之下謹以少師太師黃告二通俾弟某上冢以告故縣焚黃文云

某頃叨秉鈞朝廷推教忠之澤以光禰廟始荒剝子之國去夏邁階遷中奉復進淇澳之封暨逢郊禋遂荒大名之壤茲因冬朔併舉黃告三通燎於墓下又故縣焚黃文云某憑藉德澤奉祠伏居遇此郊禋慶延兩世惟我顯考位極帝師雖封國尚有秦壤而怨家之姓也不欲以汚栗主之神故仍用舊邦復受新渥據此則是由少師進太師非終於太子太師也原編誤慈瑩石表云先君終徽猷閣直學士鄱陽侯賜諡忠宣贈太子太師蓋在隆興元年以前趙與貴賓退錄封國公者先小國次大國後大國已至大國者許于本等內改封國朝之制也洪忠宣以子貴追封鄒徙封衛乾道三年十二月改封魏矣至七年四月又再封魏其誥前銜稱贈三年十二月魏國公又後云可待追封魏國公餘如故范文穆行詞略云魏大名也其命維新或謂既不改封他國何必命詞給告他人未見有重復如此者然余讀許崧老翰外制有大禮封贈曾祖追封楊楚國公贈太師者逸其姓名注云元贈太師追封楊楚今再封制略曰封兼楊楚位極公師雖寵數不可無歎則知已有前比矣以紹興二十六年十一月丙申葬於鄱陽縣和風南管村故縣之原二親于滄潭去五里許其鄉

曰和風南管村故縣之原瞻愛其山川手畜插畫墓位曰吾百歲後必葬於斯從二親不遠矣薨之明年孤适等慟哭行所卜間叢辰五行家曰十一月丙申吉將以其日蕝事云云汝奎於道光戊申一至鄱陽滄潭故縣之墓均得瞻謁但相去不止五里宗譜云葬故縣渡又無和風南管村五字按夷堅志已集鄱陽和風鄉民楊五郎家據此則和風乃鄉名

斯時執喪者八男子适左奉議郎主管台州崇道觀遵左朝

奉郎祕書省正字兼權中書舍人邁左宣教郎通判袁州逖

右宣義郎徽州婺源縣丞遜右宣務郎簽書連州判官事遜

右承奉郎江西安撫司准備差使遜迅未仕四女子嫁左從

政郎池州建德縣令余執度右迪功郎潭州湘陰縣主簿王

駉將仕郎臧棟一尙幼孫男十一人槻右迪功郎江東轉運

司准備差遣秘樞樞柅樞楹樞櫟樞櫛女九人此段自入男子以下並係

四洪年譜 卷一 忠宣

三

先君述原文按先君述作於紹興丙子越七年當隆興癸未文惠別作慈壘石表時諸子官階升轉孫曾命名增易多與先君述不同詳後 先是适等葬夫人沈氏於無錫縣開化鄉白茅山

之原及公薨諸子用治命不敢祔慈壘石表云太夫人沈氏常州無錫人祖諱宗道贈

朝請郎考諱復仕至朝奉大夫贈左中奉大夫妣令人陳氏政和五年先君及進士第太夫人之兄太學博士松年在京

師聞先君名定昏焉先君既調官與太夫人歸鄉家故貧有妹未行太夫人傾奩中裝資遣之先君官浙東西奉祖母安

輿太夫人承顏色一以順朝晡所食寒煖所衣節適盡志三母得時病視絮湯液不以側夜分十方寇盜旁午外無甯居

年先君奉使朔庭時祖母年出七十方寇盜旁午外無甯居泊家秀州長子适財十三穉兒多未免懷不致以家事辭繁

太夫人是賴它姬有子太夫人恩之有過於已出者一姬甚

諱以太夫人鍾愛其女意小不憚故笞辱之以撓太夫人噓

聲一聞則蹙然見顏面必俟其嬉戲復常乃悅終不少譴其母蓋其仁厚出天資行於自然未嘗有所疆勉數數然也生

理既薄所仰以給者唯先君奉入衣服飲食取財足至諸子買書或捐錢數萬不靳訓之曰爾父以儒學起家爾曹能一

四洪年譜

卷一 忠宣

完

人耻美我不恨嘗為之迎師千里外雖隆寒盛暑不使輟叔  
 氏之妻既移天於他門矣復失匹無所依歸太夫人并其母  
 畜於家不與娣姒時異訖又嫁迺已平生鄭重口不挂人之  
 過差心不念人之舊怨左右僮侍不聞一厲聲見一怒色盛  
 德著于閨庭放乎鄉黨遠近咸疏識與不識講太夫人賢以  
 為口實紹興八年十一月二十三日太夫人終享年五十初  
 一廬於吳氏倉卒棄刀笞鄉關回遠莫能辦歸計諸子稟舅  
 氏指護櫬往無錫以明年十一月辛丑葬於縣歸開化鄉男女  
 山之原窆之四年先君持節南歸祖母故無恙所留九男女  
 皆在旁而太夫人獨下世先君痛之常欲反柩於鄉而陰陽  
 以為吉卜不克徙後十二年先君薨諸子用治命不敢耐二  
 整相望于五百里春秋祭祀弗灑弗埽遵通判常州日以行  
 縣數上冢迺使浙西即移官廬得一拜墓下前年遵守吳門  
 始能立屋數十楹使客且報聘六往來縣中皆以五拱木扁舟  
 府江上繼廷勞使客且報聘六往來縣中皆以五拱木扁舟  
 獲往松楸結戀為諸子無窮悲今適在京口尺五拱木扁舟  
 三日事爾而不能孤墳異縣懼數世之下樵蘇之不禁也  
 乃書石表諸隧上陵湮谷變知其為鄱陽洪氏慈瑩尙人  
 也太夫人以先君恩封令人贈碩人以遵入翰苑贈淑人以

四子恩追封鄱陽郡夫人以遵入樞府進博平郡始時執喪  
 者子孫十人歷二十六年唯它姬子逸不幸死凡男女孫曾  
 其存者三十有九蓋子十五人入男七女適遵邁以太夫人  
 薨後始中博學宏詞科遂饗官榮蒙祿仕而三釜之養不泊  
 矣悲夫適今為左朝請大夫戶部郎中總領淮東軍馬錢糧  
 遵左中大夫同知樞密院邁左朝奉大夫前起居舍人邁右  
 承議郎鑄錢司主管文字遜右宣義郎浙西安撫司准備差  
 使邁迅皆右承奉郎女三早卒次嫁右從事郎董公衡公衡  
 卒更嫁左朝奉郎楚州通判余執度次嫁右承直郎王駮次  
 嫁將仕郎臧棟次許嫁同進士出身朱晞顏孫二十四人十  
 湖廣總領所幹辦樞樞榷榷榷榷榷榷榷榷榷榷榷榷榷榷榷榷  
 與秘皆監南嶽廟榷榷榷榷榷榷榷榷榷榷榷榷榷榷榷榷榷  
 承事郎僉書平江軍判官木待問左迪功郎饒州司戶許及  
 之曾孫四人男曰忱先君諱某終徽猷閣直學士鄱陽侯賜  
 諡忠宣贈太子太師容齋五筆卷六予亡弟景何少時讀  
 書甚精勤晝夜不釋卷不幸有心疾以至天逝嘗見梁宏夫  
 誦漢書即云唯谷永一人無處不有宏夫驗之於史乃服其  
 說按景何名遜周應合景定建康志通判廳東廳題名洪  
 遂承議郎淳熙十年四月初六日到十一年十月轉朝奉郎

十二年八月二十五滿 夷堅志丙集孫傳寶劍條云景裴弟時官襄帥幕府丁集鍾離翁詩條云真本藏於建康府治軍質庫絹素標飾處皆斷裂獨字畫不動景裴嘗見之按景裴名遂 毘陵志洪邁紹興間與兄原書作弟誤迺遵讀書外家沈氏白茅山墳廬是歲墓有二松結毬 有文集十卷 先

成蓋既而兄弟舉博學宏詞亦木之祥也 宋史本傳皓博學強記有文集五十卷及帝王通要姓氏指南松漢紀聞金國二種本傳未諸書俱無卷數等書按輶軒唱和集春秋紀詠文忠宣公鄱陽集云先君以建炎已酉出疆時年四十有二矣平生著書載疑在文集五十卷中 盤洲集卷六十三跋先忠宣公鄱

陽集云先君以建炎已酉出疆時年四十有二矣平生著書多悉留樵李庚戌之春厄於兵燼無一餘者紹興癸亥還朝入直玉堂不旬日領鄉郡去明年而遭祖母之喪服除未幾有嶺表之謫杜門避謗不敢復為文章謫九年而即世故手澤之藏於家者惟北方所作詩文數百篇乃獨存謹泣而敘之以為十卷刻諸新安郡未彙 春秋紀詠三十卷 先君述

次者猶有春秋紀詠三十卷按藝文志又有宇文虛中春秋紀詠三十卷不應同時使金之人書名卷數皆同如此據先君述云宣政間春秋之學絕宋史徽宗紀崇寧元年秋七月辛亥罷春秋博士欽宗紀靖康元年四月乙巳置春秋博士先

君獨窮遺經貫穿三傳在冷山摘裒貶微旨作詩千篇刊刻鈔傳誦習欲刻板於燕先君弗之許是春秋紀詠未經刊刻疑北人傳鈔或謾為宇文作致未史及諸家誤著於錄耳尤

字文氏書可證 容齋隨筆卷七檀弓載吳侵陳事曰陳太宰嚭使於師夫差謂行人儀曰是夫也多言盍嘗問焉師必有名人之稱斯師也者則謂之何太宰嚭曰其不謂之殺厲之師與按語乃吳夫差之宰陳遣使者正用行人則儀乃陳臣也記禮者簡策差互故更錯其名當云陳行人儀使於師夫差使太宰嚭問之乃善忠宣公作春秋詩引斯事亦嘗辯

正輶軒唱和集三卷 注洪皓張邵宋史藝文志輶軒唱和集原云輶軒唱和集一卷疑即唱按朱弁傳聘遊

洲集卷六十二題輶軒唱和集云右輶軒唱和集三卷紹興

癸亥六月庚戌先君及張公邵朱公弁自燕還途中相倡賦者三人而已初朔庭因赦宥許使者歸其鄉諸公懲久繫幸

稍南率占籍淮北惟先君及二公以實告既約和於是淮以

四洪年譜

卷一 忠宣

南者迺得歸八月戊戌先君至辛丑張公至乙巳朱公至九月乙卯先君以徽猷閣直學士入翰林是月甲子出爲鄉州後四年南遷入年薨又三年賜諡忠宣張公以修撰祕閣主佑神觀是年出居明州後六年待制敷文閣六年爲池州明年卒朱公以直祕閣亦主佑神觀明年卒先君字光卿饒州人張公字才彥和州人朱公字少章徽州人**帝皇通**

**要五卷**先君述按宋史藝文志失書要亦無卷數朱**姓氏指南十卷**先君述按宋史藝文志失書

述按宋史藝文志失書先君述云於姓氏尤精官浙部日使者胡公直孺嘗問祖之所自出先君曰姓書以胡爲陳

胡公之後陳媯姓也若以諡爲氏齊亦有胡公豈獨陳乎蓋胡自有兩祖春秋有胡國嘗以女聘魯襄公經書夫人歸氏

薨則胡以國氏歸其姓也今爲安定胡氏晉胡奮其後也魏孝文入洛改功臣復姓以紇骨氏爲胡今所爲河南胡氏者

是也同列董公將戲曰董亦有兩祖邪曰昔驪叔安之裔子董父善擾龍帝舜賜姓曰董封諸潁川**殷夷氏其後也**又述

有之二子董督晉典晉於是**有董史松漠紀聞二卷**先君述因爲董氏董狐其後也二公歎服

藝文志洪皓松漠紀聞一卷先君銜使十五年深阨窮漠耳目所聞云右松漠紀聞一卷先君銜使十五年深阨窮漠耳目所

**四洪年譜**

**卷一 忠宣**

聖

接隨筆纂錄閩孟公庚宋史高宗紀紹興九年六月乙亥以孟庚兼東京留守王倫自東京赴金國議事十年五月乙卯

兀尤入東京留守孟庚以城降十二年六月壬午金國歸孟庚李正民發篋汴都危變歸計創艾而火其書握節來歸因

語言得罪柄臣諸子佩三絨之戒循陔待刻不敢以北方事置齒牙閒及南徙炎荒視膳餘日稍亦談及遠事凡不關今

日強弱利害者因操牘記其一二未幾復有私史之禁按宋史高宗紀紹興十四年四月丁亥初禁野史此在忠宣未至

英州之前先君亦枕末疾遂廢不錄及柄臣蓋棺弛語言之律而先君已齋根泉下鳩拾殘編塵得數十題松漠拭面不

復彙次或可廣史聞之異聞云爾文安公題松漠紀聞云先忠宣公松漠紀聞伯有鑊板歛越遵來守建鄴又刻之暇

日搜閱故牘得北方十有一事皆曩歲侍親傍聞之者目曰補遺附載於此按文**金國文具錄一卷**先君述按宋史

獻通考作松漠記聞誤**金國文具錄一卷**藝文志失書按宋史洲集卷六十二題金國文具錄云右金國文具錄一卷賈生

五餌昔云其疏解編髮而被純纁用夏變衷蓋非人力之所能致字文氏既爲薊其書力強先君同汚新秩初有翰林直

學士之命又有中京副留守之命最後有承德郎留司判官

之命先君以死自誓文書銜袖至於再三卒拒不受王春二月家弟遵邁接踵召對上謂先君與宇文虛中同時作使宇文受僞命先君獨執節不屈且道秦檜毀隔之說所以不得大用嗚呼淵衷不忘舊編具在攢涕涉筆存之左方

**附考** 錢謙益絳雲樓書目地志類有嘉興志下注洪皓二字不詳卷數 景定建康志文籍志書籍有鄱陽集盤洲集翰苑羣書版有春秋紀詠四百九十三版諸史精語七百二十版翰苑羣書二百五版松漠記聞四十五版輜軒唱和三十版 浙江通志錢塘縣洪宣公祠在葛嶺祀宋太祖洪皓建炎初使金不屈羈冷山十五年放歸按放歸二字不合賜第西湖葛嶺遂建祠焉久圯 國朝雍正九年總督李衛重建 輿地紀勝景物下敬愛堂注云在州學祀名守顏真卿范仲淹及 鄉賢洪皓趙汝愚

四洪年譜

卷一

忠宣

望

洪忠宣公年譜終

男

恩思嘉

鼎榮

謹校



